



安徽通志

ル 5
1575
65



1375
65



重修安徽通志卷一百九十三

人物志

宦績十六

太平府

晉薛兼字令長丹陽人綜之孫瑩之子也少與紀瞻閔鴻顧榮
 賀循齊名號五雋初入洛張華見之曰皆南金也察孝廉辟公
 府歷太子洗馬東海王越引為參軍遷祭酒賜爵安陽亭侯元
 帝為安東將軍以為軍諮祭酒進爵安陽鄉侯拜丹陽太守中
 興建遷尚書領太子少傅明帝即位加散騎常侍以東宮時師
 傅尤加禮焉卒贈光祿大夫開府儀同三司晉書本傳
 張闓字敬緒丹陽人昭之曾孫也少孤有志操薛兼進之於元
 帝引為安東參軍甚加禮遇以母憂去職帝強起之及帝為晉

重修安徽通志卷一百九十三 人物志 宦績 太平府

王以佐翼勳賜爵丹陽縣侯遷侍中帝踐阼出補晉陵內史在郡甚有威惠時所部四縣並旱闔立曲阿新塘溉田八百餘頃每歲豐稔以擅興造免官公卿為言闔益國而反被黜帝感悟以為大司農元帝崩為大匠卿營建平陵遷尚書蘇峻之亂闔與王導俱入宮侍衛峻使闔持節督東軍王導潛與闔謀密宣太后詔於三吳令速起義軍陶侃等至假闔節與陶同共督丹陽義軍以討峻峻平加散騎常侍賜爵宜陽伯遷廷尉以疾解職拜金紫光祿大夫卒

晉書本傳

陶汪丹陽人咸康中宣城內史有幹略招隱逸廣學舍士民嚮學者並辟為掾吏百姓歌之曰人當勤學得主簿誰使為之陶

明府

輿地紀勝

舊志甯新移

齊劉係宗丹陽人為宋竟陵王誕子景粹侍書誕舉兵廣陵城

內皆坐死特赦係宗以為東宮侍書封始興南亭侯帶秣陵令齊高帝廢蒼梧使寫敕令書疏事皆稱旨永明初為右軍將軍淮南太守時討白賊唐寓之亂隨軍慰勞百姓被驅迫者悉無所問上欲修白下城難於動役係宗啟適役在東人丁城之後車駕履行甚為嘉悅後為宣城太守武帝嘗云學士輩不堪經國經國一劉係宗足矣沈約王融數百人於事何用卒於官

南史本傳

唐陶大舉當塗人祖父世皆顯仕大舉以宏道元年刺宣州垂拱四年改刺相州其在宣州時徐敬業舉兵大舉率州兵擊敗之封丹陽侯

唐僧靈廓宣州刺史陶府君德政碑

宋郭維字仲逸當塗人大中祥符乙卯進士初調泰州司理參軍治獄有能名知南豐縣籍郡邑豪猾者徙之改新都以廉幹

聞既去百姓生為立祠除知雅州貴戚王蒙正侵民田無敢直其事者詔維治之奪田還民調常州鉤索煽訟者十餘流之宿奸畏避除淮南提刑所部墨吏望風解去遷度支郎中卒弟經縉相繼登進士第經知永泰縣司馬光知諫院以謹以立身敏以從政薦之萬姓統譜

江南通志

羅彥輔字經世當塗人嘉祐己亥進士調南城尉移江都令有袖金贈者婉辭卻之改知湖口縣僚吏有告彥輔受酒息於郡者守劉述即以付吏或疑事小宜置之述曰羅湖口廉吏也不窮究終身被誣矣果得其誣反坐之調溧陽歲祲道殣相望亟請發粟賑之後知池州池居沮洳城善頽彥輔固石為隄水患以息歲旱善舉荒政奏課第一歲旱以下舊志池州府名常戒其子曰我以清白遺汝縱餽粥不繼不可少屈人以姑溪水比

之後過溪上者歎曰羅公何在溪水如故相與躊躇不忍去萬姓統譜

江南通志

石禹勤字力臣蕪湖人元祐丙辰進士令靖安伐妖木祛淫祀郡守唐介薦其能通判辰州時章惇經畫南北江議者以南江蠻易剿禹勤獨請招徠北江皆相率聽命遷知建州轉運使奏其鹽課捕盜為一郡最移撫州為提舉曾孝廉所陷卒於獄黃庭堅所作墓表

李樉字與幾當塗人宣和辛丑進士以易學名紹興閒通判徽州營卒為變樉直前諭之眾素敬樉曰官吏培克故至此惟公哀憐之時已粹太守於庭以樉言得不殺遷監察御史忤秦檜出知信州樉善占候知郡將有變預為備俄貴溪賊起即日遣將分擊俘賊首以歸檜忌罷職復知饒州著易說一統志

元李敘字彥倫當塗人家貧寄食於友友家火遺一篋敘持而還之官江甯教諭新廟學寘祭器嚴講課調建康書院山長及代餘粟千石一無所私遷平江學正秩滿歸

一統志

明陶安字主敬當塗人太祖渡江至太平安迎謁因進曰海內鼎沸豪傑並爭然其意在子女玉帛非有撥亂救民安天下心明公神武不殺應天順人天下不足定也又言取金陵撫形勝以臨四方帝善之畱參幕府從克建康命知黃州移饒州陳友定來攻安嬰城固守援兵至寇敗去諸將欲屠鄉民之從賊者安不可太祖賜詩褒美州立生祠祀之吳元年初置翰林院召為學士徵諸儒議禮命為總裁官刪定律令洪武元年命知制誥兼修國史拜江西行省參政卒於官疾劇草上時務十二事帝親為文以祭追封姑孰郡公

明史本傳

陶本字培之當塗人師事族兄安以博洽聞舉經明行修帝親御樓試治安策本援筆數千言皆切當稱旨擢工部主事廉靖敦慎克舉其職授四川行省理問卒於官

萬姓統譜

喻仲衡字平甫當塗人元江南財賦提舉汝政之子師事陶安洪武中以賢良薦授台州知府值旱荒春農乏種仲衡散官廩分給既而秋成民食既給如約納輸尤盡心於學校時大拓都城役未竣令諸臣運輒助工以清慎免者數人仲衡與焉卒於官未竟其用時論惜之

萬姓統譜江南通志

蘇從善字晉卿當塗人洪武初為長興州知州廉介警敏善於治理時州治新倡內屯重戍外抗強敵闢田野集戶口休養生息民懷其德

萬姓統譜浙江通志

潘廷堅字叔聞當塗人太祖駐太平以陶安薦徵廷堅為帥府

教授慎密謙約為太祖所稱擢中書省博士同知金華府事時上游諸郡次第平定擇儒臣撫綏之以廷堅與王愷守浙東吳元年召為翰林侍讀學士而庭堅已老遂告歸洪武四年復召主會試子黼字章甫有文名初授太平府教授歷官至江西按察使會修律令畱為議律官書成卒黼謹飭類父而文采清雅過之父子皆以鄉校顯時以為榮

明史范常傳

詹俊字用章當塗人洪武四年徵授磁州同知時兵革初定民復舊業俊勞來安集勸農桑興學校舉賢能教養備至鄰縣蝗為文告天蝗不入境歲旱作歌自責雨隨至升汝甯府通判以疾歸民登舟挽畱涕泣不忍別

一統志直隸名宦萬姓統譜

劉允字子允當塗人洪武辛亥進士授懷慶通判以直見忤謫瑞安縣丞興學勸農均徭理訟超拜北平按察司副使考績畱

教授親王於內以老歸卒允博學侃侃善持論每召對多稱旨

一統志萬姓統譜

梁觀字大用當塗人洪武中以貢擢吏科給事中遷四川僉事調廣東分巡潮州廉介剛果決獄如神久旱禱雨立應有盜聚山中衛將欲剿之觀曰此貧民耳馳檄諭之皆解散潮人德之比歿為肖像祀之昌黎祠

一統志廣東名宦

嚴昇繁昌人洪武中任順慶同知清租賦平徭役民得無擾

通志新增

呂明當塗人洪武初知南康府時兵戈甫息民多散亡招撫流移躬行四野以督農桑聽斷不事刑威惟以理論民無梗者

一統志江西名宦

周原字彥廣繁昌人洪武乙丑進士授辰州府推官調吉安署

郡事以廉平為治訟無滯獄負冤積歲者一訊即立釋之坐累免以薦起知蒲臺縣有商被盜疑其主人已誣服原覺其冤緩其獄果得真盜飛蝗入境禱於神一日大風雨蝗盡死歲大稔

歷升磁州同知一統志山東名宦 太平府志

杜谷珍繁昌人洪武初知萍鄉縣兵革之後招撫流亡百姓安

之未幾卒於官一統志江西名宦

嚴恕字景用蕪湖人洪武中知寶慶府郡方採辦官木沈於水

力不能致恕詣其所祭告木皆浮出歷臨江岳州皆有政聲湖南通志

杜智字仲才蕪湖人太學生洪武中知隨州以催科考殿例當

遣廷臣疏其治狀詔乘傳復任擢北平知府以請難轉餉功升

陝西布政使歷南京右都御史一統志湖北名宦

湯禎蕪湖人由太學生知曲江縣永樂中改甯海縣先是民坐

方孝孺事株連又值海漲洶洶不安有夜聞城隍語者曰若要

民安待湯知縣後四年果湯來眾情歡悅及去民為立碑江南通志

太平府志

胡湜字景濂蕪湖人由太學生知鄱縣有虎傷人湜告於神虎

立斃歷吏科給事中廉直敢言出為廣東僉事值內侍監市舶

多不法湜密奏有旨逮治內侍懼遂自殺自是無敢驕恣者湖南通志

江南通志

嚴升字仲升繁昌人建文庚辰進士知青神縣公勤有守百姓

愛之歷官大理寺右少卿清軍蘇松執法不撓調南京僉都御

史剛果自信嘗著神羊賦以見志焉明史顧佐傳

汪俊民繁昌人建文庚辰進士授御史永樂初出按廣東撫黎

人之叛遷刑科給事中有聲諫垣江南通志

楊豫當塗人由袁州衛鎮撫升雷州衛指揮僉事性嚴毅不受

私謁築城壘督屯田軍士附之征瀧水賊擒斬李敬宗餘級甚

多永樂三年備倭海道飭舟師防禦嚴密賊不敢至四年從征

交趾累立奇功中流矢而歿策命旌之廣西通志 新增

李衡字秉鈞當塗人永樂甲申進士選庶吉士改戶部員外郎

以廉介勤慎為尚書夏原吉所任升湖廣參政撫綏有方蠻獠

帖服擢兵部侍郎數日卒衡老成端重而剴繁治劇時莫與比

一統志

彭禮字時序當塗人永樂甲申進士選庶吉士改戶部員外郎

吏才敏練銳於任事在部十餘年每堂官缺帝輒命禮攝之財

賦出納悉有條貫卒於官江南通志

謝孚字以誠當塗人永樂丙戌進士授御史潮州百家畬騷擾

屬邑命孚與都指揮趙德往平之孚先行招諭不順者徵軍剿

捕一方晏然升福建按察副使調陝西所在有仁明聲中貴奉

使過陝官吏多望塵伏謁孚獨長揖不屈致仕歸萬姓統譜 江南通志

胡暹當塗人永樂中知常甯縣潔己愛民擢知江甯府士民歌

思之湖南通志

郭智字懋明蕪湖人永樂辛丑進士宣德中官御史巡歷廬鳳

等處甚有聲升右僉都御史整飭甯夏邊務軍民懾服歷總督

兩廣軍務遠近畏威懷德以事去官粵民銜恩遮道攀轅不絕

江南通志

戴謙字光甫當塗舉人歷知益都縣擢御史巡按湖廣風裁凜

凜發奸摘伏如神太平府志

范甯字仲甯本滁州人以祖常賜宅在太平遂為當塗人與修
永樂大典擢御史發奸摘伏人以為神歷官尚寶司丞每燕閒
入侍左右帝以其開國文臣後甚寵遇之太平府志

徐觀字大賓當塗人永樂乙未會試副榜歷刑科給事中糾劾
無所顧避奉命檢封番船巡視邊郵所至有聲正統初擢雲南
按察司僉事雪冤獄別貪廉一以平恕施以預平麓川功升副
使餘孽未靖相視要害築城堡濬溝池招集流移墾荒通道邊

患永息江南通志

謝騫字鵬舉當塗人字之子也正統戊辰進士以御史督鹽課
於浙風紀大振有冢宰子弟怙勢私販悉置之法處州盜起以
計擒其酋散其黨一方遂安遷知漳州府月港海倉民多貨番
為盜騫隨地編甲以聯屬其人戶約五日一赴府點校其違式

船隻皆拆毀惟五六丈者烙以官印使出海採捕朝出暮歸由
是盜息民安考績為八郡最轉保定知府升山東參政致仕歸

一統志福建名宦 浙江通志 太平府志

張讓字孟謙當塗人正統乙丑進士歷吏科都給事中其所彈
擊皆大政事之不可已者未嘗吹毛求疵博一時之名人無不
服其量以疾歸太平府志

李統繁昌人景泰中以歲貢知唐縣清正安靜唐民以佛呼之
秩滿詣闕請畱詔復任三載繁昌縣志

吳琛字輿璧繁昌人景泰辛未進士授御史犒軍甘肅巡按四
川所至黜奸貪雪冤滯天順初以劾石亨驕恣忤旨謫知遷安
縣五日天變雨雹命還臺職擢僉都御史巡撫甘肅入覲值淮
揚游饑奉命往賑移撫湖廣采僉事郁文博議登新甯石城並

請置巡檢司於寶甯要害以資彈壓邊境賴之進右副都御史

總督兩廣猺獞駭服投誠聽命卒於官賜祭葬一統志 湖南通志

鍾城選舉表 作城當塗人景泰甲戌進士歷官大理寺正明允著聲

門舍蕭然擢福建僉事領提學道士經品題多為令器福建通志

黃讓字用遜蕪湖人景泰甲戌進士授御史因天變與同官倪

敬抗疏請釋鍾同章綸於獄又言造龍舟作燕室營繕日增嬉

游不少非所以養聖躬謫營山典史轉安岳知縣多善政升中

府都事以撻錦衣衛吏為門達所譖成廣西赦還復冠帶致仕

貧甚課耕自給卒年七十九明史倪敬傳

楊璧字應奎當塗人景泰甲戌進士授戶科給事中天順改元

以建言謫外尋復職後為陝西參議改守平涼鑿延安河溉田

七十餘頃一統志

戴旭字敬熙蕪湖人天順中官武岡同知猺獞雜處兼有藩邸

軍衛素稱難治旭以廉敏著能聲移署靖州以艱去士民攀泣

數十里起調許州卒於官藉同官賻始克成斂湖南通志 江南通志

萬宣字邦達當塗舉人授陳州知州剛果有為約束胥吏無敢

鳴張羅織病民者時境內多盜宣廉得之悉置於法四境晏然

立四社學選州之俊秀者教之部使者上其績賜詔旌異進階

奉直大夫一統志 河南名宦

端宏字仲順當塗人天順丁丑進士授御史巡視通州東昌等

處德威兼濟盜息民安巡按雲南河南廣西咸有風裁谿洞蠻

獠時出剽掠宏選將練兵豐餉設險為攻守永遠計諸酋望風

而降升陝西副使歷浙江左布政使致仕歸太平府志

李蕙字德馨當塗人成化己丑進士授刑科給事中歷江西參

政南贛盜起廣設方略擒其渠魁餘黨悉平南昌大水入城浸及官廩眾環視莫救蕙亟命預放軍士月糧遂紛紜蟻聚不終日廩空擢右都御史總督糧儲頻有建白漕規整肅

江南通志

汪宗禮繁昌人成化戊戌進士授御史有直聲宏治中以言事左遷壽昌知縣抑強扶弱舉頽起廢吏治一新

浙江通志

孫廣字仲宏當塗人其先從淮南徙廣與從弟瑜俱與修永樂大典除工部主事轉郎中調刑部每為人求生道不得竟日不食以勞成疾擢知開封府未行而卒瑜除戶部主事轉郎中改

永州同知卒

太平府志

夏祚字天錫當塗人成化戊戌進士擢兵科都給事中劾本兵馬文升侵科權治河甘肅歷江西右布政以艱歸襍被附舟而下至大通同官遣人齎祚項下例銀八百兩至祚出舟撻其人

而還之一舟始驚遂徒步歸起補福建左布政有巡方以墨聞面數之旋乞致仕閉門謝客併日而食卒遺一金帶乃銅爲之

江南通志

汪宗器字鼎夫繁昌人宗禮弟也成化甲辰進士授行人擢御史出按楚粵薦賢斥貪風裁大著升南大理少卿莅獄平恕時劉瑾撓法動多掣肘遂決志以母老乞終養疏五上允之特進

光祿卿致仕

一統志

李贊字惟誠蕪湖人父永以貢司訓諸暨縣卒於官邑紳士祀之學宮贊登成化甲辰進士授吏部主事掌文選考功精詳端慎爲冢宰王恕所知改兵部郎時民地併入勢家而牧馬獨計丁口贊句稽有法盡復民業累升浙江布政浙俗侈靡贊教之敦本崇儉歲饑蠲逋發倉拊問存恤會劉瑾籍故錢都御史家

贊憐其無辜為調護之瑾銜之勒令致仕老穉乞留不得留其

一履以志愛焉

浙江通志

李貢字惟正贊之弟與兄同登進士授戶部主事轉刑部郎中

決岐府久滯之獄清山東隱匿之田累擢右都御史巡撫遼東

總兵官毛倫挾逆瑾勢暴橫貢裁抑之忤瑾意勒令致仕瑾誅

起貢巡撫順天時受瑾虐者多起為盜貢獲其魁斬之賊遂解

散增修通州城築古北口邊垣以扼寇升兵部右侍郎卒贈南

工部尚書

萬姓統譜 江南通志

楊諫字信夫當塗舉人授青州同知興利除弊不懼權勢通省

訟獄多委審訊無不稱當升南戶部主事民立生祠祀之權淮

安稅關政肅清商賈稱便旋致仕歸子金嘉靖戊戌進士授刑

部主事歷福建副使所至有聲

太平府志

張瓚當塗人成化間以監察御史知介休縣愛民禮士不畏強

禦政聲丕著

山西通志

門時中當塗人以賢良舉知崇仁縣兵革之餘閭閻凋瘵招徠

撫綏民漸甦息又造黃洲橋興學校立綱陳紀邑治更新

江西通志

增新

陳清字原渭蕪湖舉人歷知荆門州尋知武定州所在有聲宸

濠之變設備嚴密旋引年歸至今人呼為陳清官云

太平府志

胡燿字仲光蕪湖人宏治癸丑進士選庶吉士改戶部主事丁

巳以災異求言抗疏言中官李廣楊鵬引左道劉良輔輩惑亂

聖聰濫設齋醮耗蠹國儲而不肖士大夫昏暮乞憐其門陰盛

陽微災何由弭因極陳戚畹方士傳奉冗員之害疏留中未幾

廣死故燿得無罪

明史本傳

祝鑾字鳴和當塗人正德戊辰進士授禮部主事歷郎中武宗欲南巡鑾偕舒芬等百有七人抗疏切諫忤旨跪闕下五日廷杖三十上尋悔悟詔奪俸亦不復出後升廣西參政督學四川

江南通志

喻智字子貞當塗人正德甲戌進士授南工部主事司權潁聖肅吏惠商陋規盡革歷湖廣按察使斷楚藩元凶英耀獄擢副都御史巡撫南贛宸濠餘黨踞箐穴結蠻獠爲患智開誠布信受撫者萬計秩滿歸嚴嵩使者過縣橫甚智執而撻之且諭之曰歸語而主撻爾者喻都堂也

一統志

端廷赦字世恩當塗人宏之孫也正德庚辰進士知高安縣造錦水橋以利涉擢御史首劾武定侯郭勛驕橫貴戚斂手避之巡茶馬於西陲劾去貪墨者數人按兩浙風采益著屢升僉都

御史巡撫山東河南升戶部右侍郎轉南左都御史有大俠善結納要路侵害客商掄治之以正典刑錢法濫惡出令禁治中

外凜凜一統志

楊東字啟明當塗人其先有名銘者永樂閒御史以忠直稱東成嘉靖癸未進士授行人擢御史巡視廩牧清查龍驤二衛盡釐侵冒宿弊巡鹽河東清豪占鹹池積年逋課悉完建書院延河東呂柟以教士河東彬彬向學巡按雲南多雪疑獄滇稱神明土官爭襲仇殺撫臣欲調兵進剿東傳檄諭之止罪首惡事遂定

江南通志
太平府志

倪嵩字中卿當塗人嘉靖己丑進士授太常博士釐奉常典禮爲總覽一書擢御史出按貴州黔省鄉試附滇路險且遠以嵩疏設闈分試遷大理丞歷戶部侍郎時曾銑議復河套夏言主

之為嚴嵩所怒詔逮言下獄嵩爭甚力調南右都御史諷使更
名嵩曰命名自父何可易後廷推吏部尙書嚴嵩厲聲曰廟堂
可使有兩嵩耶嵩即日乞休歸

一統志

邢埴字汝器當塗人珣仲子也以舉人知浦城縣浦有大豪徐
鷹揚者假以進鮒魚置金於內埴峻卻之廉得其不法數事立
斃之獄一邑震懼遂大治投劾歸邑人勒石志德少師張孚敬
為相招之不往

太平府志

邢址字汝立埴之弟嘉靖壬辰進士授刑部主事擢御史帝有
真御史之目詔磨勘兩廣諸司帑金不清之弊弊清而謗騰出
為保定知府卻例金賙寒士肅吏胥時有權相蒼頭至保定恣
睢威嚇址杖而遣之遷邵武守擢山東運使致仕歸

太平府志

徐貢元湖北志作元貞字孔賜繁昌人嘉靖辛丑進士由刑部郎出

知德安府嚴毅仁恕下車輒令曰農民力不能耕者告守為備

耕其遷立學宮歲荒即募流民築河隄民得活而水無患累遷

至南戶部侍郎總督倉儲歷官十三任清白無疵

一統志湖北名宦

王鈞字仲明蕪湖人以貢知魯山縣俗鮮知禮親喪作樂極力

禁止邑患馬政鈞請於朝節省之豪民兼并者置之法以艱歸

士民攀轅泣路

太平府志

周易字時伯蕪湖人嘉靖癸丑進士授兵部主事擢御史疏救

吳彥條論邊務詞皆侃直督學北畿執政以私牘投焚之於門

官終布政司參議

一統志

孫濟遠字合溪當塗人嘉靖乙丑進士授饒州推官讞決如神

擢御史出按貴州四川治尙威嚴有巨憝負罪密賄廝役鳩之

江南通志太平府志

梅涪字凝初當塗人隆慶辛未進士知縉雲縣擢御史多所糾彈因忤張居正遷岳州知府升濟甯道河決韓莊疏築有功授雲南布政清理宿弊羨十萬金悉歸公帑時開珠池商人例獻樣珠峻卻之江南通志

王懋字德孺蕪湖舉人授湖州府同知定武康民變均徭薄賦調彰德攝衛輝府事裁革陳州富民支應升刑部員外郎恤刑畿輔爰書十餘上活囚四百餘人卒於官陳州立祠祀之一統志

魯崇賢字幼齋蕪湖舉人授開州學正升龍游知縣俗奢而好鬪崇賢治尚廉明發奸摘伏其風丕變縣產瑞瓜士民爭為令頌崇賢謂古循吏非此貴也卻之以艱歸太平府志

謝裘當塗人父惇以選貢攝德安篆愛民如子後家居德安士民間安不絕裘成萬歷甲戌進士授刑部主事歷浙江按察使

分憲嶺南平糶賑荒練兵清獄多有善政致仕歸父子俱年過八十太平府志

陳一簡字上敬繁昌人萬曆癸未進士授戶部主事歷郎中理密雲餉搜剔積弊殆盡擢昌平僉事橫嶺近九陵奸弁妄議開採一簡力爭乃止大瑞張經以非法殺人手疏劾奏抵經罪遷河南副使卒於官一統志

吳一驥字純所蕪湖舉人知耒陽縣革浮耗清積弊縣產錫苦供億請於撫按罷之大旱虔禱甘霖立沛遷湖州同知湖多盜皆倚勢家為窟穴一驥窮治伏法盜遂絕時柄臣有悍僕辱尉尉不敢訴驥執而笞之擢戶部郎監淮安稅關政肅清致仕歸耒陽祀之名宦湖南通志 江南通志

俞審字莘畝蕪湖舉人知橫州峒蠻強悍審使儒士為化蠻生

常誘導之遂馴服州人為建祠立石調澧州澧苦水患鳩工築文梁隄至今賴之俗尚巫鬼為作孝弟忠信禮義廉恥八行圖解以勸導之民俗一變江南通志太平府志

崔涓字震水蕪湖人萬曆辛丑進士授行人遷銓曹兩掌選政謝絕請屬人多服其清介江南通志

楊成喬字維嶽當塗人萬曆辛丑進士知新興縣敏於聽斷民素苦郵傳之役特取公帑給驛費中使採權橫索無厭畏成喬清正不敢犯擢戶部主事轉職方郎籌畫邊務悉中機宜以所策多不行遂告歸值丁艱以毀卒江南通志

曹行健號東璧當塗人以貢歷辰溪知縣縣古五溪地巨酋張大忠為患單騎入其穴撫之大忠聽命靖沅暴漲建瓴而下因山治壁當江一面得無患邑有蝗災祝之即去升雷州同知轉

德藩長史致仕太平府志立六國南宮而煇來文也

祝可仕字孟型當塗人萬曆庚戌進士授工部主事權潞河轉戶部司通儲通庾侵漁甚眾盡剔其弊歲清羨十六萬簿獻司農帝大悅手書清廉無滓果毅有為八字獎之擢福建參議課士詰戎平反冤獄紅夷內訌為撫畫策一炬殲之遷廣西驛傳道便道歸里無疾而卒闡祠祀之江南舊通志太平府志

葛綱字振寔蕪湖舉人秉鐸和州教育有法天啟時為國子監丞魏璫竊柄黨附者倡議立祠並配享太學綱白祭酒力沮之後遷刑部主事江南通志

曹履吉字根遂當塗人萬曆丙辰進士授戶部主事以僉事提學河南入為光祿少卿忌者以遷出不次為嫌即日投劾歸其在戶部典新泰海運二倉剔積弊餘米萬七千石白之司農置

廢儲用在河南黃河隄潰默禱於天為民請命水立殺二尺隨
并力築之得無患江南通志

張時暘字又若當塗建陽衛人萬曆丙辰進士知嵯縣有周氏
子橫於鄉鈐制長吏時暘廉得其狀置之法調臨海他邑兵譁

挺身往諭解之妖民金錫以左道惑眾入其籍者甚眾時暘立
斃錫而焚其籍擢禮部主事累升兵備道地衝而瘠撫以寬大

境內晏然江南通志

李一公字闇生繁昌人萬曆庚戌進士授行人遷比部詔獄多
所全活出知成都府集流亡訓士卒繕城池收圖籍晉西川副

使擢山東參政致仕繁昌縣志

楊芝瑞字仲芳成喬子也以舉人知慶元縣至即登陴崇版築
復上下原囁相其要立六隘甫定而賊來攻芝瑞選丁壯搃於

隘斬獲數百乃退慶便聞省而額屬於浙力請當事從其議額
不缺而民困蘇升武定知州未行卒江南通志 太平府志

岑維嶽字允靈當塗舉人知甯都縣御吏有法撫民有恩閩寇
至率眾登陴力禦卻之貧民有鬻妻者妻不肯行維嶽捐俸贖

之一邑頌德太平府志

沈希韶字鳳來蕪湖人天啟壬戌進士知新昌縣有能聲擢御
史糾劾不避權貴讒言中之轉九江僉事為御史時出按上江

沿江苛征蕪湖為甚希韶盡革其弊里人建坊頌德江南通志

關引之字颺縣當塗人崇禎戊辰進士授汝州知州州城圯土
賊來寇且築且守賊不敢逼升戶部員外郎晉禮部郎中擢福

建巡按海盜鄭芝龍初受節制所餽多奇珍堅卻不受芝龍畏
服島嶼餘孽未靖檄芝龍討平之事聞賜鯨海安瀾四字旌之

卒於官 太平府志

彭慶圖字伯龍當塗建陽衛人崇禎甲戌進士知海甯縣立意愛民而不能隨時俛仰調大田升刑部主事卹刑湖廣多所平反旋以舊事罷歸 太平府志

湯一統字惟一蕪湖舉人知新城縣又補光澤皆有惠政升保定同知父老各齎錢泣送數十里一統嘉其意為各擇數錢受之民建祠以祀 太平府志

湯一湛字允熙一統從弟天啟乙丑進士歷營繕司主事轉職方員外郎車駕司郎中出為順德府知府郡值畿南衝繁難治一湛嚴氣正性不畏強禦吏民畏服 太平府志

國朝楊世學字爾台當塗人父芝瑞卒於慶元官所所建詠歸橋工未竣衰經董役成父志始扶櫬歸慶元人更名曰楊公橋世

學成順治丁亥進士由評事擢御史疏請嚴採買杜騷擾部議允行又請濬淮河下流諸州縣海口使多途入海河患自息時論躡之出為武昌分守道招撫山賊鄭鴻等十三砦升浙江鹽副使晉衡永參政所至皆以清操聞 一統志 江南通志
徐明弼字子諧蕪湖人順治丁亥進士知馬邑縣會姜逆煽亂懷印衝賊壘赴

大兵陳方略事平復抗身為百姓伸理邑得安全升戶部主事兩權關務商賈蒙恩升陝西提學僉事所錄多知名士 太平府志
姚宸中字寔邱繁昌貢生順治十年任福建光澤知縣邑罹兵燹之後民多負逋宸中力請緩征以蘇民困復簡訟獄寬徭役民氣以蘇 福建通志 新增

汪可準蕪湖人順治壬辰進士任永州府推官涖事明銳獄無

冤滯入爲中書舍人

湖南通志

閔燮繁昌人順治中知安化縣縣當亂後盜賊充斥燮多方撫

綏萑苻不警

湖南通志

徐鼎臣字調明當塗人順治己丑進士知鄆縣地介豫閩素爲

盜藪鼎臣始至披荆棘招流亡戶口稍增方籌兵料餉爲剿賊

計以勞瘁卒官邑人悲之

湖南通志

韋一鶴字羽山蕪湖人順治壬辰進士知麗水縣邑多崇岡伏

莽一鶴戢盜拊民四境安堵

江南通志

方錫字禹符繁昌副貢知清流縣清流多饒裕之族錫廉潔自

砥纖芥無染晝行田野夜巡坊市摘發奸隱身不憚勞遷沂州

守未赴卒所存惟敝衣一笥圖書數卷

福建通志 江南通志

楊錫汝字保極當塗拔貢知孝豐縣捐資建學振興人文行滾

單以便徵輸築溪壩以時蓄洩三值旱祈雨輒應士民頌德

太平府志

韋嗣賢字廣菴蕪湖人順治乙未進士授撫州推官明敏寬仁

案無畱牘攝篆宜黃豪蠹斂迹酌定條編十有三則上之督撫

民困大蘇擢吏部主事歷考功郎中曾有藉權要覲得上考者

抗不從拂衣歸宜黃祀之名宦子聖翊以拔貢知泰甯縣海氛

初靖招集流亡嚴立保伍歲歉設法賑濟民得安居以艱歸起

補汧陽地當孔道軍興旁午糧運不絕聖翊盡力營辦無稍差

忒以事罷歸

一統志 太平府志

丁宗閔字再騫當塗人康熙己未進士知祿豐縣地遭逆藩之

亂土荒民逃借帑買牛給種勸耕流民復業又設義學捐膏火

人文漸盛攝祿勸諭降土酋之抗令者又攝安甯州鹽井水淡

不能成鹽為文虔禱井水復舊以艱歸卒士民肖像立祠雲南通志

夏瑜當塗舉人官桐城教諭試士無閒寒暑篝燈點竄至廢眠

食以疾卒官易簣之頃戶外屐滿皆相嚮而哭師長如瑜者蓋

不多見云安慶府志

陶延中字棟生蕪湖人康熙戊戌進士知興縣鋤豪強均徭役

崇學校課農桑剖決公明苞苴無敢入以艱歸起補清源縣清

源距興六百里民間其至相攜迎於路者不絕太平府志

李世翰字季屏當塗歲貢任太和教諭兵燹之後覺宮鞠為茂

草世翰鬻產鼎建委賑舊縣等集米少人多借縣倉存畱給散

捐資補還民有因貧鬻妻者為贖還之後補霍山振興士習培

植善類人文興起卒於官霍人祀之名宦太平府志

汪虬字雲聲繁昌人康熙庚戌進士知峽江縣時吳逆披猖

大兵討之營峽江虬運籌肆應動合機宜邑李氏聚族而居仇家

中之誣以黨奸虬抗爭以閭家保其無他李氏千人得全祀之

家廟調桃源升主事未赴卒太平府志

鮑薦字金源繁昌人康熙己未進士知開平縣地廣而荒撫御

多方遂成樂土邑虎尾溪多虎患為文以告溪神虎屏迹士庶

勒碑頌德易名龍尾溪酌劑鹽鹺民商稱便升主事以病免太平府志

府志

魏壽期字朋三繁昌人康熙乙丑進士知南鄭縣歲饑捐金設

賑擢御史慎刑折獄知無不言劇盜於都門殺人劫掠廉知渠

首事干旗員乃繕奏以聞盡寘之法卒於官囊橐蕭然太平府志

郝煜字仲知繁昌人康熙時以薦辟參廣西戎政滇逆猖獗奉

委行營招降六千餘眾授柳州府判署府事調赴軍前督餉剿

雲南有功以勞成疾乞假歸卒

太平府志

甘超字遠公蕪湖舉人任亳州學正新學宮葺學舍置祭器請營謙陽書院文風丕振兩攝州篆俗好勇鬪狼導以慈良民有負通鬻妻者為贖之又有雷正乾者母病篤鬻子買棺亦為贖之并合藥療其母後復助其斂葬卒於官正乾送其櫬歸遂不忍去

太平府志

張世勳字賜貞蕪湖人以貢入成均薦充會典纂修議敘知鄆縣先是世勳募西秦歷甯夏固原凡堡砦扼塞河渠疏引可為民利瞭如指掌及抵鄆復參詳聚落形勢捐俸擴秦渡鎮門垣鎮人勒石以頌郊西澇河石橋當往來孔道慮其圯後倍費先事修葺秋果淫霖崩決倍常橋鞏固獨全創新義學延名師嚴大程課多所成就以疾卒官

太平府志

俞亮臣字期武蕪湖人以貢知英德縣俗因壻貧多易盟不為怪亮臣導以明義或解俸為之畢禮俗為一變設隄以弭水災至今為利貧民逋負為捐俸代完至豪強則盡法以懲升府同知民攀轅涕泣以為慈父去我祀之名宦

太平府志

吳騫字益存當塗歲貢

朝考第一授國子監丞以薦知惠州府崇文教釐祀典備樂器寘韓昌黎祠祭田署兩廣鹽法道疏滯引恤商裕課後補韶州調廣州府三典大郡為政公廉剖冤釋滯擢山東按察使

太平府志

韋聖揆字左瞻蕪湖人以貢知茶城縣調荔波地瘴多苗向遙攝之聖揆親涖縣治相立官廨誠心御下苗民漸孚升澤州牧多善政以艱歸起補遼州雨雹傷稼申請蠲賑民免菜色再補全州除陋規興學校治行益醕旋致仕歸

太平府志

鄧世杰字亮臣蕪湖人雍正癸卯進士授禮部主事陪送蘇祿國使臣至閩閩例舊有贖贈辭不受典己酉黔試提調庚戌會闈矢公矢慎屏絕苞苴公卿閒稱才優學練者必曰儀部鄧君以疾卒

太平府志

奚源字溯崙當塗人雍正丁未進士授刑部主事歷郎中案牘駁正未嘗傳會五為鄉會同考出知大名懲貪獎廉黜吏遠跡尤崇學校實義學鹽規詳請充公典息不許過重以病歸八邑立祠祀之

太平府志

吳本涵當塗人雍正十一年知太康縣撫良除暴為政嚴明奸棍蠹胥一時斂跡康邑素不諳蠶桑捐俸買小桑諭民種植教以養蠶之法創設書院捐俸為膏火資

一統志河南名宦

晉德慧字維詰當塗拔貢知上虞縣調仙居田分官民寺三則

寺賦較重德慧籲請均減照田六折徵收歷任丈量未清履畝清勘不數月而事畢縣東白水溪創建樂安橋民免病涉致仕

歸

太平府志

張照龍字霖蒼當塗人以貢為宣城訓導正己厲士造就有方歲歉委賑不遺不濫胥吏不敢為奸時有父母先生之號以病歸宣士遮道遠送

太平府志

李基裕字貽曾當塗歲貢為鳳陽府學訓導實心課士署懷遠篆有惠政鳳值水災委赴汴省採買二麥以備賑濟積勞成疾卒於道

太平府志

韋前謨字儀哲蕪湖人父聖功以歲貢知新鄭縣時噶爾丹逞逆西塞用兵新鄭當陝通衢供繕絡繹聖功事皆豫辦民獲安枕前謨亦以廩貢司訓泗州泗自康熙十八年大水沒為澤國

糧已盡免雍正五年有新淤涸出二案吏胥上下其手又立潼

安衛追徵民困無訴嗣奉准據實丈量上憲以前謨在涸人命

密議條陳前謨具籌丈量曲折陳請報涸未涸有糧無地及衛

應裁各事宜以聞涸得減賦七千餘兩衛亦奉裁利賴甚眾後

歷任金壇溧陽告歸卒 太平府志

汪鑑字子澄蕪湖拔貢任霍邱教諭捐俸修學宮貧士膏火多

藉資贈至鬻產以助不給時謂人為貧而仕鑑獨以仕而貧非

過語也 太平府志

繆孔昭字省夫蕪湖人喜任事西陲用兵呈請領運官解米赴

查罕叟兒軍前往返數萬里投汜水知縣調河工會中牟水決

即委署中牟篆河督檄調人夫五千兼管物料又檄工員各任

工一段孔昭自任決口工竣調蘭陽蘭亦濱河數罹水患民多

拋產避累孔昭以十條繕稟河督檄行州縣如法修備由是河

隄鞏固招集流亡給牛種使復業申請豁免濱河地額未報引

疾制府察其意具題得免糧五百餘頃升潁州知州歷禹州許

州所至皆有實政歷升河南按察使雪滯獄獲寬典者數百人

終鴻臚寺正卿 太平府志

蔡錫祺字吉孫繁昌人以貢知孟縣徒步之任刑名錢穀悉皆

獨裁訟者面即剖決地界當勘者羸馬隨一老隸攜糗糧往刻

弓式析算之不假吏胥權大吏入境民患驛騷自往充役咸相

戒疾驅過嘗值蠲賦他邑有仍徵羨耗激變者錫祺請往輯之

至則委曲諭眾請停其未徵者其已徵者准代來年正賦略懲

首事數人而定晉兵部主事送者傾城立石頌德擢御史引年

歸 太平府志

洪瀛字十洲繁昌舉人官穎上教諭倡興古學問業者數百人

判所牒事必斷以義不苟徇令意居民愛敬如父母卒於官櫬

歸途哭巷祭者越境始止仍祀之文昌祠太平府志

李元字惕齋當塗人乾隆乙丑進士十三年任福建漳浦知縣

民陳琴殺人已弋獲顧乏的證詢屍妻知有錢囊可證搜琴身

囊果在焉妻泣曰此夫出門時老婦所手綻也獄遂定又有兄

弟爭產者元庭訊語之曰兄弟而及此令失教之咎也宜罪令

即出其直償之兩人咸愧謝相讓而退福建通志 新增

夏慎言字行遠當塗人乾隆初以舉人知漳平縣旋貳溫州府

以廉幹聞公暇日與郡士人講藝華蓋山師事甚眾當塗縣志

庾伯龍字騰飛當塗人乾隆閒以舉人知來鳳縣興利除弊歷

知安陸鄖西南漳數縣德威並濟吏民悅服在南漳日振興文

教建書院於鳳凰山為邑士講論弗懈後卒於官漳士懷之就

鳳凰山側立祠祀焉當塗縣志 以上舊志

魯沂字溫卿當塗拔貢嘉慶中江蘇知縣署邳州知州捐修書

院增助膏火廉得武生李某賄匿斃妻論如律補鎮洋縣嚴防

海盜蔡牽商民安堵罷官歸卒後其子椿過邳邳人追念舊德

贈句云公子貧能隨分過先人名不與官休當塗縣志 以下新修

黃鉞字左田當塗人家於蕪湖乾隆庚戌進士授主事簽分戶

部時和坤管部務鉞告歸嘉慶四年

仁宗睿皇帝親政以安徽巡撫朱珪薦

召見養心殿

諭曰朕在藩邸即知汝汝因何告假鉞據實陳奏奉

命懋勤殿行走由主事改擢贊善直

重刊安徽通志 卷一百九十三
南書房未補缺

特旨與考試差嗣是典湖北山東順天鄉試任山西山東學政密摺奏
事由贊善洵擢至禮部尚書

賜紫禁城騎馬肩輿入直二十五年放會試正考官榜首陳繼昌以三
元及第時稱盛事秋隨扈灤陽

仁宗睿皇帝龍馭上賓

行在喪儀禮部無例案可循皆鉞悉心擬奏

宣宗命加太子少保銜在軍機大臣上行走調戶部尚書鉞敬其所事
實力匡襄京察議敘道光三年

錫宴玉瀾堂繪像鉞爲十五老臣之一

御製詩褒之云豈獨文章禁省冠一德密勿惟幾康四年

仁宗睿皇帝聖德神功碑恭代書成拜蟒服大緞之

賜五年乞休

溫旨慰留六年屢申前請情詞肫切

予告回蕪湖在家支食半俸瀕行暨十八年兩次
恩賞葭枝

諭曰知卿不假葭苓之力聊申眷念卿其善自靜攝二十一年卒於蕪
湖年九十二初鉞幼喪父母鞠於外家乾隆中以廩貢挑膽錄

議敘吏目兩次

召試二等年四十一始爲部員數月卽歸掌教皖南北書院者十載其
後不次超擢屢司文枋蒙

仁宗批諭云汝本寒士因石君薦拔遂至於此能法石君先生人品學
業必能永沐朕恩鉞感激圖報矢勤矢慎

丙廷宣力二十有七年克盡厥職故能渥荷

兩朝恩眷不徒以工書善畫見長嘉慶道光年間兩次

賜第內城三次太醫視疾妻喪軍機章京郎中趙元祿齋

硃諭賜慰切勿過有哀傷七十八十九十生日疊蒙

御書福壽扁聯壽佛如意朝珠珍玩文綺用迓福祉又蒙

恩諭伊子禮部小京官黃富民加恩作為該部主事俾聞之益增慶慰

又前在戶部右侍郎任內以錢局爐頭增復料錢部議降二級

奉

旨調任禮部右侍郎明年即轉補戶部左侍郎後以戶部任內失察假

照降為三品頂戴明年蒙

賞還一品頂戴皆

異數也遺疏奏聞

宣宗成皇帝悼惜有學問優長持躬端謹密勿宣勤之

諭晉贈太子太保銜入祀賢良祠照尚書例賜卹原任內一切處分悉

予開復

予謚勤敏史館立傳

諭賜祭葬碑文葬當塗南褐山下先是道光辛卯安徽濱臨江淮州縣

水災鉞首捐千金助賑癸巳復水捐百金助賑乙未蕪湖海饑

倡建豐備倉儲穀千石倉旁造鄉塾月課生童鄉人德之及是

請入祀當塗蕪湖兩縣鄉賢祠奉

旨允准著有壹齋集四十卷二十四畫品一卷當塗縣志年譜

朱襄字雲溪蕪湖人嘉慶庚辰進士授編修督學河南選拔真

才培植寒畯時論美之道光十三年正月

派往河南差遣委用洊擢兵部右侍郎總督東河卓有成績在工事無

鉅細必身親之積勞卒官著有祿堂文集蕪湖縣志總河近事考

重刊安徽通志卷之九十三人物志宦績太平府

張寶榮字耀西當塗廩生官湖北光化知縣捐修老河口大路

調署沔陽州修築河隄并捐建月隄以弭水患議敘加知府銜

補武黃同知仍督沔陽隄工積勞卒沔陽人祠祀之當塗縣志

朱汝璜字渭卿當塗舉人先以拔貢選海門廳訓導海門自設

學無鄉捷者汝璜勤月課造士有方科名日盛遇水災委查戶

口周密無遺在任十餘載卒官著有師山詩文集當塗縣志

黃中民字嘯琴當塗尙書鉞次子由諸生謄錄議敘授草堰場

大使撫商神竈捐賑水災興復正心書院道光三十年祀興化

三賢祠當塗縣志 江蘇興化縣志

重修安徽通志卷一百九十四

人物志

宦績 十七

廬州府

楚范增居鄴人年七十好奇計聞陳勝敗乃往說項梁立楚後

項梁死項羽尊為亞父從破章邯入函關至戲西時沛公先入

關軍霸上增說羽急擊勿失且日沛公來增欲於坐上殺之舉

玦示項羽三羽不應沛公去令張良持玉斗一雙奉亞父亞父

置之地拔劍撞而破之曰唉豎子不足與謀吾屬今為沛公虜

矣漢之三年羽數侵奪漢甬道漢請和羽用增計急圍滎陽漢

患之乃用陳平策閒項王項王果疑增增大怒曰天下事大定

矣君王自為之願賜骸骨歸行未至彭城疽發背死史記項羽本紀

漢陳眾廬江人建武中爲揚州牧歐陽歛從事李憲旣破其餘
黨遁于臨等猶聚眾數千人屯濞山攻殺安風令歛遣兵不能
克帝議討之眾白歛請得喻降臨於是乘單車駕白馬往說而
降之濞山人共爲立祠號白馬陳從事云後漢書李憲傳
周榮字平孫廬江舒人肅宗時舉明經辟司徒袁安府安舉奏
竇景及與竇憲爭立北單于事皆榮所具草竇氏客徐繭深惡
之脅榮曰子爲袁安腹心之謀排奏竇氏竇氏悍士刺客滿城
中謹備之矣榮曰榮江淮孤生蒙先帝大恩歷宰二城今復得
備宰士縱爲竇氏所害誠所甘心故常敕妻子若卒遇飛禍無
得殯斂冀以區區腐身覺悟朝廷及竇氏敗榮由此顯名自郾
令擢爲尚書令出爲潁川太守坐法當下獄和帝思榮忠節左
轉其令復以爲山陽太守所歷郡縣皆見稱紀以老病乞身卒

於家詔賜錢二十萬除子興爲郎中

後漢書本傳

周景字仲饗興之子也辟梁冀府遷豫州刺史河內太守好賢
愛士其拔才薦善常恐不及徵入爲將作大匠以梁冀故吏免
官朝廷以景素著忠正復引拜尚書令代劉寵爲司空是時宦
官任人及子弟充塞列位景初視事與太尉楊秉舉奏諸姦猾
自將軍牧守以下免者五十餘人遂連及中常侍侯覽貝瑗皆
坐黜朝廷莫不稱之後爲羽尉建甯元年薨以豫議定策立靈
帝追封安賜鄉侯長子崇嗣至甘陵相中子忠少歷列位累遷
大司農後爲太尉錄尚書事以災異免復爲衛尉從獻帝東歸
洛陽忠子暉爲洛陽令棄官來京師後忠爲董卓劫殺後漢書周榮傳
吳周瑜字公瑾廬江舒人漢太尉景之從孫也父異洛陽令瑜
長壯有姿貌孫堅起義討董卓徙家於舒堅子策與瑜同年友

善瑜推道南大宅以舍策升堂拜母有無相通瑜從父尚為丹陽太守瑜往省之會策將東渡到歷陽瑜將兵迎之策大喜曰吾得卿諧也遂從策攻戰屢有功策使瑜還鎮丹陽袁術遣其弟代尚尚與瑜俱還壽春術欲以瑜為將瑜觀術終無所成求為居巢長遂自居巢遷吳策親迎瑜授建威中郎將時年二十四吳中皆呼為周郎策薨權統事瑜與張昭共掌眾事曹操入荊州權眾皆懼瑜獨說權以兵擊之遂統程普等合劉備其拒操於赤壁以計燒其船及營落大敗操拜偏將軍領南郡太守詣京見權欲謀取蜀還江陵為行裝而道於巴江病卒年三十六權素服舉哀長男循尚公主拜騎都尉早卒循弟允拜興業都尉封都鄉侯瑜兄子峻亦以瑜元功為偏將軍三國志本傳齊何昌寓字儼望廬江人永明元年以太子中庶子出為臨川

內史不雜交遊通和汎愛歷郡皆清白士君子多稱之齊書本傳

西通志

新增

隋樊子蓋字華宗廬江人祖道則梁越州刺史父儒侯景之亂奔齊官仁州刺史子蓋在齊為東汝北陳二郡太守封富陽縣侯周武帝平齊授儀同三司郢州刺史隋高祖受禪除縱陽太守平陳之役以功加上開府改封上蔡縣伯歷至循州總管煬帝即位轉涼州刺史武威太守以善政聞朝於江都宮敕廬江郡設三千人會賜米麥六千石使謁墳墓宴故老當時榮之還除民部尚書大業九年車駕幸遼東命子蓋為東郡留守楊元感之亂盡銳攻城子蓋徐設備禦至輒摧破帝比之蕭何寇恂進位光祿大夫封建安侯卒諡曰景武威民吏莫不嗟痛立碑頌德隋書本傳

唐任瓌字瑋合肥人父七寶爲陳定遠太守早卒伯父忠愛瓌甚篤每曰吾子庸保耳所以寄門戶者瓌也年十九試守靈溪令遷衡州司馬都督王勇委任之陳亡勸勇據嶺外立陳後勇不從降隋瓌棄官去高祖討捕於汾晉謁轅門署河東縣戶曹義師起至龍門請見高祖曰吾其濟乎瓌曰今主政殘酷公仗順而起何不濟瓌在馮翊悉其人情願備一介入關宣布威靈以收左輔乃授銀青光祿大夫爲招慰大使旣而賊孫華白元度果降瓌行說下韓城進擊飲馬泉破之拜左光祿大夫留戍永豐倉高祖卽位授穀城刺史王世充攻新安瓌拒破之封管國公爲河南安撫大使徐圓朗叛陷楚邱瓌遣崔樞張公謹守虞城圓朗攻之不能下賊平遷徐州總管輔公祏反詔以兵自揚子津濟江討之公祏平拜邗州都督貞觀四年卒

唐書本傳

羅珣廬州人

唐書云越州會稽人萬姓統譜云廬州人爲本州刺史

寶應初詣闕上書授

太常寺太祝曹王臯辟署幕府累遷副使臯卒軍亂劫府庫珣取首惡十餘人斬以徇環棘庭中俾投所劫庫物一日皆滿乃貰餘黨擢廬州刺史禁淫祠修學宮政教簡易有芝草白雀之瑞再遷京兆尹請減平糴半以常賦充之人賴其利徙太子賓客封襄陽縣男卒諡曰夷

唐書本傳

楊行密字化源合肥人年二十七入盜中刺史鄭綮捕得異其貌而縱之後以高駢薦授廬州刺史畢師鐸陷揚州高駢死行密舉軍縞素遂入揚州不能守引軍歸廬襲破宣州昭宗詔爲宣歙池觀察使孫儒來攻擊斬之詔拜淮南節度封宏農郡王朱全忠使葛從周龐師古來寇行密襲斬師古於清口帝在鳳翔授行密東面諸道行營都統檢校太尉中書令封吳王全忠

脅帝東遷行密恥憤被病全忠知帝倚行密為重乃弑帝以絕人望行密發喪不視事因是病篤卒年五十四遺令穀葛為衣桐瓦為棺諸將諡曰武忠

唐書本傳

吳駱知祥合肥人雅能治金穀初事田頵為宣州長史太祖既殺頵以知祥為淮南支計官勳精為理事無畱滯徐溫秉國知祥司財賦一時稱之已而初置選舉命知祥董其事任用得人

武義改元遷中書侍郎

十國春秋本傳

王潛廬州人初居太祖幕府及事高祖官左司郎中典選事喪亂之後官失其守潛隨才而使人人自以為得徐知誥為相掄選有序潛之力也

十國春秋本傳

南唐王崇文合肥人縮之子為歙吉二州刺史吉州民多爭訟崇文無所侵撓吏民便之遷虔州刺史初平建州崇文鎮之民

忘其亂三十年閒出領藩鎮入掌楚兵官至使相常褒衣博帶與士大夫譚宴風度夷曠後主即位崇文手書時宜政體備加箴誨加中書未拜而卒

南唐書本傳

吳越郭師從合肥人初隸田頵為都虞候頵敗歸吳越署為鎮東都虞候從文穆王瓘破廣德征無錫皆有功累遷浙西營田副使拜同參相府事卒年八十四

十國春秋本傳浙江通志

宋馬亮字叔明合肥人舉進士為大理評事通判常州吏民有亡失官錢連逮者數百人亮縱去緩與之期不踰月悉輸所負擢知濮州命糾察福建路刑獄全活者數十人知饒州州豪白氏殺人以赦免愈驚橫為患發其奸而誅之州有鑄錢監匠多而銅錫不給請分工之半置監於池州歲增緝錢十萬遷侍御史真宗即位上書言事帝善之王均反以為西川轉運副使賊

平主將誅殺不已亮全活千餘人召問蜀事會械送賊誑誤者八十九人執政欲盡誅之亮以為此百之一二耳不如赦之以安反側帝悟盡宥之復遣還部時諸鹽井泉涸而官督所負繫者數百人盡釋之而奏廢其井還知潭州有亡命卒剽掠為患鄉人共謀殺之坐擅殺當死者四人亮貸之曰去害而坐罪非法意也徙昇州移文守將發糴艘粟以賑飢民累遷工部侍郎知杭州加集賢院學士江濤大溢築隄不就亮禱伍員祠下潮卻數里而隄築成人為御史中丞後以太子少保致仕卒贈尚書右僕射諡忠肅

宋史本傳

馬仲甫字子山亮之子舉進士知登封縣輟轡道險厄僱民鑿為坦途人為刻石頌美人為度支判官內侍楊永德言漕舟淮汴閒惟水遞鋪為便詔仲甫往視還言其害十餘條議遂格由

戶部出為發運使建議鑿洪澤湖六十里以避長淮之險漕者便之拜天章閣待制知瀛州築甘谷堡以通北抵南谷之路先是羌人入城貿易皆僦邸仲甫設館處之陽示禮厚實閑之也

官至知通進銀臺司

宋史本傳

鍾離瑾字公瑜合肥人舉進士通判益州建言州郡既上雨後雖凶旱多隱之以成前奏請令監司劾其不實者提點兩浙刑獄衢潤饑請發米二萬斛以賑歷江淮制置發運使置閘召伯埭旁人以為利累遷龍圖閣待制知開封府卒

宋史本傳

茹孝標舒城人天聖中進士少負氣節好學不倦吏治有聲仕至都官員外郎出知江州

一統志

雙漸無為人慶曆中進士博學能文為職方郎知本軍後知漢陽為政和易所至見思有古循吏風

一統志

張肅廬江人仕廣東轉運判官以直諒稱後為江東提點刑獄
自司馬光而下七十有四人分韻作詩以贈其行廬州府志

楊察字隱甫合肥人景祐元年進士歷江南東路轉運使屬吏
以其年少易之及行部數摘奸隱眾始畏伏召為右正言權判
禮部貢院時上封者請罷糊名考士及變文格察謂禁防一潰
則奔競復起且文無今昔惟以體要為宗議遂寢擢右諫議大
夫權御史中丞論事無所避御史何郊以論事不實中書問狀
察言故事許風聞今以疑似被詰問非所以廣言路也卒贈禮
部尚書諡宣懿宋史本傳
賈易字明叔無為人中進士甲科為常州司法參軍自以儒者
不嫻法令議獄惟求合於人情曰人情所在法亦在焉訖去郡
中稱平歷官侍御史上書言天下大勢可畏者五一曰上下相

蒙二曰政事苟且三曰經費不充四曰人材廢闕五曰刑賞失

中言頗切直歷吏部侍郎宋史本傳

張徵字新仲舒城人建炎三年為御史中丞劾黃潛善汪伯彥

大罪二十條罷知江州尋又謫祕書少監分司西京一統志江南通志

束元喜合肥人官通城簿毀淫祠正風俗攝縣令以善政聞後

知秦州歲饑賑濟有法全活甚眾累官樞密承旨以老歸年九

十餘江南通志

王藺字謙仲廬江人乾道五年進士官武學諭孝宗幸學藺迎
駕立道周上目而異之問知姓名由是簡記遷樞密院編修官
輪對奏五事上喜見顏色除宗正丞出守舒州陞辭奏疏數條
皆極言時事之未得其正者遂除監察御史一日上袖出幅紙
賜之曰陸贄奏議深切今日恐有如德宗之弊者可條陳來上

蘭卽疏陳時政闕失上嘉納之除禮部侍郎兼吏部光宗卽位
遷知樞密院事兼參政拜樞密使除目或自中出未愜人心者
輒留之納諸御座或議建皇后家廟力爭以爲不可因應詔上
疏條列入事不報罷去後帥江陵湖南終以嫉惡太甚不合去
宋史本傳

王栒字叔永無爲人嘉定三年以宣教郎知涇縣初縣歲有水
患栒遷建於舊治之東二里曰畱村民奠厥居創修涇縣志十
三卷又著有燕翼貽謀錄五卷言一代之典制頗詳書錄解題
王杲字元佐無爲人紹興閒判汀州府事時郡將陳孝嚴引寇
朱積寶兄弟爲腹心仇視禁卒有黃寶者激眾倡亂杲諭之不
從欲殺孝嚴杲叱之退嚴度失眾心因以郡篆授杲眾始安後
積寶叛屢犯境杲力禦卻之民比屋祀杲曰王生佛福建通志

元況達廬江人泰定末爲光澤令下車日邑中富豪素爲長吏
信從者悉不聽入謁獨延見諸生與講學建雲巖書院有兄弟
爭田者授以伐木之詩親爲諷咏解說皆感泣去後爲高安令

平反冤獄邑人爲立去思碑

萬姓統譜福建通志

晁顯字顯卿巢縣人泰定丙寅爲平江路總管以廉自律人不
敢干以私申教化課農桑痛革奸弊爲當時所稱仕終平江府
萬姓統譜

秦天祐舒城人初任本縣丞勸農恤孤不事鞭扑人皆敬畏遷
知六安州值地多寇天祐與許榮悉力保障眾賴以安廬州府志

明夏君祥字天瑞無爲人元季兵亂以材武信義鄉里推爲城
主明兵至率眾歸附仍奉命協守本州修城繕隍調治兵食升

知州廬州府志

董興廬州人明初鎮守黟縣羅寇劫掠興率民兵固守寇平歸朝黟人繪像祀之

南畿志州府名宦舊志徽新移

薛祥字彥祥無為人從俞通海來歸為水寨管軍鎮撫轉漕河南夜半抵蔡河賊驟至祥不為動好語諭散之帝聞大喜授京畿都轉運使分司淮安濬河築隄自揚達濟徭役均平民無怨言元都下官民南遷道經淮安多方存恤山陽海州民亂誣誤甚眾祥會鞫無驗者宥之治淮八年考滿還京皆焚香祝其再來肖像祀之授工部尚書帝坐鳳陽宮殿見殿脊有持兵鬪者李善長奏工匠用厭鎮法帝將盡殺之祥為分別活者千數天下行省改為承宣布政司以北平重地特授祥為胡惟庸所惡謫知嘉興府惟庸誅復召為工部尚書帝曰讒臣害汝何不言對曰臣不知也後坐事杖死天下哀之子四人謫瓊州遂為瓊

山人孫遠正統七年進士天順中為工部侍郎奉詔塞開封決

河成化初督兩廣軍餉位至南兵部尚書

明史本傳

蔡美字世宣廬州人洪武初知績溪縣縣南有田千餘畝旱則無穫美召耆老相視水源於上三里乳溪口鑿石築碣引水灌

田遂得常稔

南畿志州府名宦舊志徽新移

申泰無為人洪武中以薦知延平府會諸守有以賊敗者令軍校徧搜各省知府至延平止得米三升鈔二貫考天下清廉第

二一統志

張遇林廬州人洪武元年知泰州創官署興學勸農修復橋梁坊表士民懷之

泰州志

文景宗合肥人洪武初授婺源州同知升知徐州時天下初定招徠勸課民皆安業擢守濟南徐人立祠祀之子篋以廉幹薦

知潛江縣南畿志 廬州府志

史希賢字士功無為人洪武初以薦知瀏陽縣時荆湖新附開

創邑治興建學校邑人立祠祀之升廣平知府楚紀

程宗道舒城人洪武三年知平定州建州署學校壇廟郵舍撫

綏凋瘵民有起色一統志 山西名宦

孔立合肥人洪武元年知象山縣歸附之始百廢未興立至庶

政遂舉是年夏蘭秀山寇亂民甚驚駭立設計殲其渠魁餘黨

悉平他若息虎患弭旱災皆其德化所感浙江通志

唐宗義廬州人洪武三年任揭陽知縣見吏胥里甲多罹獄具

愀然問曰爾等何至此耶各白其故因諭以釋之歷政三年徭

均訟簡民懷其惠升廣東都司斷事廣東通志 新增

楊稱字廷舉合肥人太祖取太平以稱知蕪湖縣首詢疾苦興

利除害招徠遺黎撫摩凋瘵建縣治立坊倉以治稱南畿志

王俊字大用合肥人洪武五年任雲南前衛指揮使二十二年

升都指揮同知調廣南衛適儂真佑叛帥眾攻之傾其穴擒真

佑以獻斬首數千級獲輜畜無算築城設衛而還永樂初以入

賀升都指揮使賜文綺犀帶在任三十餘年戎事無巨細多所

綜理雲南通志 新增

蔡誠巢縣人洪武初知安陽縣時百姓新附田蕪不治誠買耕

牛給貧民由是地闢民富凡縣廨學校皆誠所建一統志 河南名宦

桑昭無為人洪武十七年由金吾前衛指揮僉事掌南海衛印

歷十年愛軍恤民造修公廨營房倉庫展廣土城街道溝渠清

潤昌化海口三所皆所創置申呈不立屯田廢東西軍營以地

入廣治民到於今稱之廣東通志 新增

孫鎮字希武合肥人洪武中以經明行修除戶部主事時上以課程事罪部官鎮抗言謂不宜連坐忤旨戍滇南以薦復職出為衛輝知府毀淫祠撤浮屠興學課士教民樹畜驅蝗禱雨寧率立應靖難兵起衛輝當其衝鎮堅守不下成祖即位遣戍山海宣德初赦回除上饒丞不就卒於京邸遜國諸臣傳

蔚綬字文璽合肥人洪武中授戶部主事歷山西參議永樂間召拜禮部侍郎秉心純實履行端方以禮部尚書致仕卒諡文肅同邑蕭敏洪武乙丑進士官監察御史以風節著又程嘉貞以薦為中書省都事嘗諤有骨鯁風歷官山西按察司僉事統

志 廬州府志

陳大本無為人洪武中任贛州同知撫民以寬臨吏以莊應務以敏尋升本府知府吏民熟其政雖公務煩劇凡所號令不勞

而集遷浙江參政明統志 江西 通志 新增

陳瑄字彥純合肥人父聞以義兵千戶歸太祖累官都指揮同知坐事戍遼陽瑄伏闕請代詔併原其父子瑄少從大將軍幕有功建文末遷右軍都督僉事燕兵偏命總舟師防江上燕至浦口瑄遂迎降成祖即位封平江伯命充總兵官總督海運輸粟四十九萬石餉北京及遼東遂建百萬倉於直沽城天津衛舟還會倭寇沙門島追擊至金州白山島焚其舟殆盡海溢隄圯自海門至鹽城百三十里命瑄以四十萬人築治之為隄萬八千餘丈嘉定瀕海江流衝會海舟停泊無所瑄請於青浦築山方百丈高三十餘丈立墩表識既成賜名寶山成祖自為文誌之宋禮既治會通河議罷海運仍以瑄督漕運造淺船二千餘艘初運二百萬石寢至五百萬石國用以饒時漕舟抵淮安

陸運過壩踰淮達清河勞費甚鉅瑄自淮安城西管家湖鑿渠二十里爲清江浦導湖水入淮築四閘以時宣洩又沿湖十里築隄引舟由是直達於河省費不貲復濬徐州至濟甯河又以呂梁洪險惡於西別鑿一渠置二閘蓄水通漕又築沛縣刁陽湖濟甯南旺湖長隄開泰州白塔河通大江又築高郵湖隄於隄內鑿渠四十里避風濤之險又自淮至臨清相水勢置閘四十有七作常盈倉四十區於淮上及徐州臨清通州皆置倉便轉輸慮舟膠淺自淮至通置舍五百六十八舍置卒導舟避淺緣隄鑿井樹木以便行人仁宗卽位上疏陳七事帝曰瑄言皆當命所司速行尋賜券世襲宣宗卽位命守淮安督漕運如故六年言歲運用十二萬人賴年勞苦乞用二十四萬人分番迭運更民運爲兌運自此始率於官追封平江侯贈太保諡恭襄

孫豫字立卿正統末福建沙縣賊起以副總兵從平陽侯陳懋討平之進封侯也先人犯出鎮臨清建城堡練兵撫民安靜不擾召還父老詣闕請畱從之山東饑奉詔賑卹尋守備南京卒贈彰國公諡莊敏子銳嗣伯成化初分典三千營及團營尋佩平蠻將軍印總制兩廣移鎮淮揚總督漕運建淮口石閘及濟甯分水南北二閘築隄疏泉修舉廢墜日本貢使買民男女數人以歸道淮安銳畱不遣贖還其家歲饑疫瘡糜施藥多所存濟河決張秋奉敕塞治累加太傅兼太子太傅卒明史本傳方正合肥人永樂中徵修大典授工部主事時建北都督工規畫有條由屯田郎擢江西參政平峒賊遷福建布政同邑龍源亦預修大典授工科給事中親喪家居見民牧不良卽聞於朝其人賂當道誣之卽罷歸一統志

徐鑑字明夫無為人由歲貢入太學成祖夜微行聞其書聲次日召見嘉其有風憲體命按湖湘及涖任糾劾百司藩府震懾

升金華知府廬州府志

張敬字伯起合肥人永樂中以貢授御史扈從北征軍令嚴肅監延平府銀屏山務歲輸外不染一毫擢陝西按察使僉事政尚平恕被誣左遷令廣平勸農興學惠愛覃敷復官僉事致仕

廬州府志

周璞巢縣人同知全州永樂中預修大典授吏科給事中糾劾不避權貴朝有諫垣得人之慶廬州府志

丁毅字士宏無為人永樂乙未進士選庶吉士時近倖有紀綱者勢傾中外毅獨以年少詞臣持正論與之抗綱服其直不能害年三十卒眾論惜之一統志

丁鏞字元聲毅從子正統初以貢官戶部主事督天津等倉絕賂遺一繩以法升廣西參議以寬大得民致仕萬姓通譜廬州府志

王憲合肥人永樂辛丑進士官御史彈劾無所忌擢山東副使鎮遼東參贊機務邊境肅然進貴州廉使同邑吳鑑宣德丁未進士官御史剛正不阿嘗乘花馬京師比之驄馬御史後官南陽知府廬州府志

鄭泰字景暘舒城人永樂辛丑進士官給事中謹言動眾進都給事超補刑部侍郎璽書褒美天順初遷吏部左侍郎卒賜祭葬一統志

余斌合肥人宣德中為定海衛指揮使建義學延師儒令軍民子弟咸肄業焉暇則躬詣考閱而激勵之自撰公勤廉謹四銘書於廳事以自勵城南海山有大浹渡常覆舟溺人為文祭之

後遂無患調處州升浙江都指揮僉事浙江通志

湯鼎字玉鉉無為人宣德庚戌進士官吏科給諫交趾侵邊廷

臣舉鼎為使鼎往歷陳利害眾懼服不敢動卒歸侵地正統閒

官通政司卒官廬州府志

朱昂字廷舉無為人以貢任應天府判入為工部郎用周忱薦

領江南糧儲歷福建參政巡海有聲績掌臬司事時三日出濫

繫二百餘人致仕歸地方利害必陰白有司人或造謝則杜門

不見一統志 江南通志

操欽合肥人正統中為辰州府推官廉介不畏強禦豪右畏服

民多德之湖南通志

李春字景陽無為人正統丙辰進士官兵科給事中轉福建參

議汀盜起直抵其巢諭降進江西左參政撫諸洞反側者悉就

馴伏歷兩藩俱著聲績一統志

胡珉字文佩舒城人正統壬戌進士授戶部主事簡直清約當

路惡其戇遷衛輝府判引疾歸復以薦為漳州府同知同邑蔡

瑛字叔輝以貢任嘉興府推官明允無冤獄擢御史巡按江西

廬州府志

方杲字景輝合肥人正統乙丑進士授兵部主事升員外郎上

時務十二事剴切有資治體少保于謙稱為有用之才廬州府志

蘇會廬江人本姓汪景泰閒官雙流典史善弓馬習番書番人

不靖撫按命往宣諭眾皆悅服擢仁壽知縣有惠政民為立祠

升茂州知州廬州府志

葉鸞字應和舒城人景泰辛未進士官貴州參議黔中雜苗難

治鸞廉靜忠誠按部所至一斷以法有宣慰封人腸藩臬諸司

莫能糾鸞馳諭即謝罪又宣慰有奪嫡者僉允其請鸞獨不署名親老授副使終養一統志

鄭時字宗良舒城人景泰辛未進士官御史以鯨直降內鄉知縣升延平守擢撫陝西歲饑賑恤百方屢奏請得蠲逋租停雜派又以時言詔湖廣米十萬石銀二十萬兩往賑民大蘇息平礦盜奏設甯羌等處巡司職專守禦萑苻屏息成化末有挾左道得幸者上疏論之陳利國保民五事忤旨謫貴州參議宏治初召為左副都御史歷南刑部尚書致仕卒贈太子少保賜葬祭舒城縣志

沈諲合肥人景泰甲戌進士歷戶部郎知東昌府政尚嚴明折獄平允常祿外不入一錢吏部考核天下廉能官注第一一統志黃鉞舒城人景泰間以舉人知遼州聰明果斷泣政克勤修學

梭舉百廢士民思慕不忘祀名宦山西通志

鮑德字秉仁舒城舉人知衡山縣調華容興學勸農懲奸理枉治稱湖湘第一仕至饒州同知一統志

王恆字克昌廬江人父敬官大理評事嘗力白王恕之冤眾論多之恆以童子從父南雍習詹孟舉大書英宗召至御前作天下太平四字上喜甚送翰林院讀書時年十二擢中書舍人移工部主事權蕪湖關卻羨餘數千緡領度支司漕淮上興利革弊多所建明一統志 江南通志

潘稹字景徵廬州人天順庚辰進士由監察御史擢福建按察副使明慎果斷獄無冤滯福甯產銀礦先是輸課者加耗息至千因發其奸而以補他課之逋擢四川按察使福建通志 新增

朱賢字從善廬州人天順庚辰進士擢監察御史成化閒按閩

操履端方不避權勢

福建通志 新增

秦民悅字邦約舒城人父鳳衛輝府同知民悅成天順丁丑進士授行人升工部員外郎裁抑中官私剋之弊出為廣平知府雪死囚十九人清牧馬地三千餘頃招集流亡六千戶擢江西參政歷南吏部尚書以星變偕九卿陳時政二十三事多議行卒諡莊簡

一統志

郭鉉合肥人為彭城衛指揮使以從征荔浦功進都指揮僉事遷同知升鎮守廣西副總兵破府江獍賊擢總漕運沈毅有將略累進都督同知凡軍民利病必陳於朝嘗濬通州河置壩令淺船搬運歲省白金數萬筦漕十三年召佐後府卒

明史王信傳

一統志

姚壽字維祺舒城人成化甲辰進士授行人擢御史正德中累疏指斥中貴為逆瑾所惡謫貴州驛丞遂自裁死聞者惜之

府志

廬州

張涓合肥人成化丁未進士知瀏陽縣民頌其德及去為立遺詠樓擢御史出勘牧馬草場請罷近畿仁壽宮皇莊以益牧地議雖不從他皇莊所侵據者緣是悉還民按貴州擒叛酋普安阿保父子撫其黨五十九寨籍為編氓轉吉安知府俗好訟蔓引動數百人泣以嚴明訟遂衰止釐正版籍役均弊絕故有堂食錢涓悉給還歲省民數千兩民為立祠累遷至副都御史

南通志 湖

一統志

仰昇字晉卿無為人成化乙未進士累官兵科給事中以疏議宮掖事忤旨出為按察司僉事後官至河南左布政

廬州府志

鄭昌舒城人宏治初知安吉州安吉歲運白糧民以為苦昌為

奏請除之

浙江通志

周琥合肥舉人為撫州推官升通判宸濠叛撫守病委琥代攝濠遣收郡印琥拒之郡獲保全王守仁令督運餉贊兵事以勞

卒

廬州府志

方欽字寅之巢縣舉人知福山縣流賊陷城欽以好官不要錢獨免劉瑾用事當道斂金銀獻媚欽無所有遂謫官歸子渠以舉人知平陰縣耿直忤時亦有清操

一統志

重修安徽通志卷一百九十五

人物志

宦績 十八

廬州府

吳璟字定君無為舉人授內閣中書知商城縣恪謹廉明興利

除弊士民賴之

廬州府志

蔚春字景元合肥人宏治癸丑進士歷兵科給事中陳時政八事邊務七事咸見施行累升福建參議廣西參政以鯁介為忌者中傷乞歸

一統志

楊欽字敬之合肥人宏治壬戌進士授戶部主事監度支平斛面清部卒倉場肅清疏論錢弊通商貨成玩法攬頭數十人升郎中裁抑私符條陳邊事擢光祿少卿守正杜私與時齟齬後

晉鴻臚卿卒廬州府志

曹琥字瑞卿巢縣人宏治乙丑進士授南工部主事轉戶部御

史周廣疏劾錢甯下獄琥抗疏救之被杖責貶尋甸通判改黃

州遷廣信同知時甯王暨鎮守中貴託貢獻頗有徵斂攝府

事堅持不予擢鞏昌知府未任卒贈光祿卿明史周廣傳

向明巢縣人宏治閒以舉人任趙城知縣禮士愛民遇婚喪不

能自給者捐俸助之卒於官祀名宦山西通志

方鐸字廷論合肥人正德甲戌進士知武康縣潔己愛民政平

訟簡吏民悅服浙江通志

沈俊字人傑合肥人正德辛未進士知萊陽縣賦役繁重俊極

力湔刷擢御史出按山西湖廣老成持重官終山東參議廬州府志

吳廷翰字崧伯無為人正德辛巳進士歷兵戶二部主事轉吏

部出歷廣東浙江僉事升山西參議所至不激不隨撫循建白

井井可法曾被命採端溪硯正供外不持一枚其廉謹類如此

江南通志

陳文偉舒城人正德時知安邱縣時流賊突入縣署掠庫金文

偉俟其去挾彈乘一騎馳赴之識其為首者彈發中左目又發

中右目賊大駭伏地請死偉曰第為我送金還庫當貸汝賊惟

命文偉以一騎尾其後抵縣羣賊乞死笑曰不足污吾刃悉杖

而還之山東通志

王欽字宗堯無為舉人知齊河縣不以家累自隨政尚簡靜齊

人立碑頌之祀名宦廬州府志

謝憲字君弼無為人為平湖縣丞廉平不苛嘉靖閒倭寇竊發

憲獻策不報因告歸子封嘉靖丙辰進士官吏部主事廬州府志

岳倫字天敘無為人嘉靖丙戌進士授行人歷工部郎名重一時己亥諫南巡被杖削籍廬州府志

方介字子和合肥人嘉靖乙未進士知義烏縣調黃巖廉公有威痛繩豪右時有琴堂第一方之謠後為工部郎中升處州知府浙江通志

董子策字霞峯合肥人嘉靖戊戌進士以戶部郎視榷滸墅關商船輻輳乃就關傍別開支河令曰凡舡艫可出此橋者聽商

民德之江南通志宛嘉祥字白湖廬江舉人判廣信守臨清遷戶部郎知貴州思

南府刑清政簡時有土寇聚眾為害嘉祥設法撫戢四境帖服民立碑頌德肖像祀之一統志

劉崙字山甫無為人嘉靖甲辰進士擢御史巡視陝西修舉茶

馬八事回按順天疏陳畿輔災荒疾苦轉太僕少卿會景王之國廷議恐其騷擾擢崙湖廣巡撫及期營辦有方公私不擾楚人頌之一統志

黎鵬舉合肥人嘉靖中任福建北路參將破倭福甯衝沈其舟獲潘若海江一峯二酋泉寇悉定福建通志 新增

柳希玘字子敬廬江人嘉靖庚戌進士歷官郎署以繩抑動貴出守廣平治河隄以塞橫流創書院以育英俊實倉儲以賑荒

旱官至湖廣參政廬州府志曹本字子立巢縣人嘉靖庚戌進士知慈谿縣以禦倭寇功升

戶部主事督理糧儲清各閘車戶船戶諸弊廬州府志萬振孫字性儒合肥人嘉靖壬戌進士自部郎知襄陽府作人

造士賓學田一千三百餘畝社學一百有八所獨建書院一助

建者六舉覈屬令賊過雖監司爲解弗釋也升副楚臬礦使縱橫振孫捕其爪牙立斃之忤旨削籍起廣西參政未就卒

一統志湖

北名宦
江南通志

朱來遠字文甫廬江人萬曆丁丑進士知秀水縣善察民隱人莫能欺讞獄必委曲勸諭尤加意鬻序治行稱最又除雜差以蘇民禁私販以惠商仕至太常少卿

一統志

盧泮號龍崖無爲人萬曆庚辰進士爲延平推官多所平反知廣平府捐俸築閘濬渠升四川副使平播有功以觸忤權貴歸

廬州府志

蔡淑達字雲衢合肥人萬曆癸未進士知上虞縣調商南招集流亡興文釐弊權璫以派礦爲秦害達請之大吏得免苛擾轉戶部郎督浦口糧又督龍江關稅冰清自矢宿弊一清出知南

甯府值剿黎寇用兵部署有方軍餉無缺晉雲南副使權布政司事清糧儲均徭役禁有司不得擾而課額用饒以勞卒

廬州府志

賈子偁字燕雲合肥人萬曆壬辰進士授大理評事抗疏請建儲出守泉州課最督學湖廣大計注廉明第一遷浙江按察使清貞剛斷斥絕請託奸橫斂跡進右布政一日曉闕門左藩遣人舁巨桶至曰此羨餘也解京餉畢例宜分送子偁勃然曰朝廷正苦餉不足安得有羨餘哉斥舁去取水滌之遷福建布政使

一統志
浙江通志

閻鍊字肅仲巢縣舉人知武強縣歲饑詢疾苦勤賑貸建學修志士民繪圖以祀

廬州府志

朱萬春字寔同無爲人萬曆辛丑進士知上饒縣遏瑄豎開採之擾省長差拖累之患擢御史劾本兵糾總河論首輔請東宮

出閣講學按四川奏留帑金充採辦免加派賑荒災轉江右道
平鄙湖劇賊歷升左通政一統志

王性合肥歲貢萬厯閒知欽州賦性剛決不避權貴時內監採
珠索用具甚急力沮獲免民賴之又值猛賊犯境性提兵履險
搗其巢穴賊平境內始安功狀紀錄廣東通志 新增

吳光義字行可無為人萬厯辛丑進士知仁和縣有異政擢工
部主事理山海關流民亡繻者多不得歸百計周全生還者數
萬人備兵神木轉四川副使以平奢賊功歷升河南巡撫參劾
藩宗除民害調兵助民夫築塞河決獎廉鋤強禦寇有方賊不
敢犯內艱歸起倉場總督轉兵部侍郎以老乞休河南祀名宦
弟光宇字達可歷官江北屯田道歲祲民不能耕田多荒蕪捐
俸為備牛種農器民甚賴之一統志河南名宦 廬州府志

龔承先字元鑑合肥舉人知汾水縣愛民禮士敬老恤孤修學
築堰百廢具興禁革一切陋規升祿勸州知州子萃肅萬厯丙
辰進士授吉安推官部注清官第一擢御史論邊督張我續貪
冒之罪白知州汪心淵守徐之功糾袁崇煥之壞疆場舉方震
孺之有才品累升太僕寺少卿浙江通志 江南舊通志

趙一韓字如勃巢縣人萬厯甲辰進士授九江府推官時中瑞
收稅恣橫痛繩以法遷南工部視權蕪關廉聲茂著晉貴州副
使魏璫時能以直節自振一統志

濮中玉字琢如舒城人萬厯丁未進士知長興縣值歲祲家歷
戶閱賑賚無遺表節孝與人文省船役皆其政之最先者官至
太僕寺卿浙江通志

劉汝佳號紫芝無為人萬厯丁未進士授工部主事督修都城

省水衡金錢數萬轉都水郎建議每船止抽一單空船宜免後

知金華府憫糧里僉解之苦改用幕官下戶盡食其福廬州府志

徐繼芳合肥人萬厯中知益陽縣值大旱繼以疫癘繼芳停征

已責步行祈禱以勞疾卒官湖南通志

許如蘭字湘晚合肥人萬厯丙辰進士知光州遷工部郎中出

守紹興三江閘圯捐俸修築如舊制海塘關三縣田禾區畫永

久疏通之法越民賴之擢密雲兵備歷廣西巡撫折悍藩平普

莫二賊進副都御史一統志

胡志藩字屏玉合肥人天啟乙丑進士授中書舍人先是郡中

馬驛係六邑協濟後獨累肥民為重困志藩具疏言其不均部

議得允鄉人德之擢御史出按宣大驕將悍卒靡不懾服卒於

官廬州府志

秦日升字東陽無為人以貢任休甯訓導魏璫以黃山案籍沒

吳守禮多所株連有吳姓者坐贓十萬郡守石萬程命吳賂日

升三千金俾再坐一人分任其贓拒不受謁石守曰天下事至

此日升雖首藎窮儒不願為此守感其言懸印梁上夜半披緇

去日升亦乞休歸廬州府志

張克佳字士奇無為人崇禎戊辰進士授青州府推官時白蓮

賊煽亂每於雪夜單騎巡警一郡以安引疾歸廬州府志

賈或字煥章舒城人以貢官韶州推官韶山險峻猺獠出沒或

募兵搗其穴平之嶺南素無雪是夕大雪三尺僉謂平寇所致

廬州府志

張振鸞舒城歲貢授歸安丞邑顯宦沈淮家逋糧執其僕笞之

趣納如數署武康縣事有誓神殪虎之異廬州府志

吳士講字心啟合肥人崇禎辛未進士以員外郎歷知開封府有惠政李自成攻圍歲餘城中食盡至鋸樹屑分食尚從周藩竭力死守河決後得乘桴出敘功升川南道廬州府志

傅時勉無為人崇禎間知松陽縣冰燄自持撫小民極真摯詞訟願息者聽經旬不用鞭撲夏旱停徵適大府檄取舊逋時勉曰此何時而克辦此詳請緩期竟以獲罪降調松人罷市巷哭浙江通志

新增

任大成字玉仲舒城人崇禎甲戌進士官大理寺評事恤刑兩浙擢御史有治亂關乎用人一疏又參鳳督馬士英擁兵糜餉不報復出按浙時勢雖不可為猶能整肅一方江南舊通志廬州府志葉士彥字無美巢縣人崇禎丁丑進士授刑部主事調兵部出為江西僉事左良玉兵不戢士彥致書曉以大義言足下心實

無他緣兵驕不用命累及其主良玉心服撤兵後與袁撫不合

謫歸廬州府志

王輿巢縣舉人知崇德縣愛民教士修舉廢墜調內江遷知廣安州修學宮平賦稅均徭役明刑獄一時稱善治廬州府志任遵道號時齋舒城人以貢任餘干訓導以明道為己任訓士以明倫為主遷黃巖教諭再遷金山衛教授以老乞休黃巖祀名宦更立專祠廬州府志

國朝趙函乙字授若合肥人順治丁亥進士授戶部郎權崇文門稅以千金羨納公帑為江西督學修進賢坪宋忠義密公祠有記廬州府志

龔鼎亨字孝緒合肥人以學博署仙居篆民多踞山為盜有願歸農者不敢擅還鄉鼎亨為請於撫按給牌免死資以農具全

活無算

江南舊志

王綱字燕友合肥人順治壬辰進士授刑部郎改兵部督捕逃案山積綱振滯獄釋株連冬月流徒出關者給湯粥衣絮遷巡倉御史終通政參議

一統志

王絲字言如合肥舉人授黃州推官斷獄明慎每定爰書至忘寢食嘗讞副將高誠且之獄高密以罌貯金假稱鹽齎以進絲峻拒之後以他事挂吏議左遷裕州僉判裕荒敝又值衝衢絲出資墾荒以歲收代民煩費

一統志湖北名宦廬州府志

張肯穀字式似巢縣歲貢知神木縣署秦州事時巴三綱之亂賊眾潛布城中猝發被執誘降不屈給守者得脫奔叩幕府陳進剿策躬為嚮導一鼓而三綱授首遷鳳翔知府調濟南皆著治績

一統志

夏景耀字穉光廬江人以貢知儀隴縣蜀中經兵燹儀尤殘破招徠勸墾流移漸集升岳州府同知時寇賊蠭起民喜鬪訟景耀臨御有法城市奠安勘災傷理積逋躬親勞瘁吏不能欺卒於官士民莫不流涕

岳州府志

吳開允字志從無為人順治初知建甯府時賊初平有司利明都憲張養素家財誣為通賊喉總戎發兵繫男女百餘口制撫檄開允訊之詣總戎家索囚軍士譁闖允厲聲曰爰書未定張氏男女可畱軍中乎如不盡發某即以印檄繳總戎馳報制撫矣總戎悚然付之既至置府門外廡取民間保媪守之雞鳴會廳縣焚誓城隍廟立白其冤悉縱遣之制撫咸曰治獄如吳守七閩不難治矣

廬州府志

仰鳳鳴字寢明無為人順治初以歲貢任婺源教諭升太平教

授代理府事禦寇有功歲荒發廩賑濟全活甚眾擢西安府同知致仕廬州府志

楊交泰無為歲貢知番禺縣時郡邑初定兵駐廣州居民駭恐奔竄不安交泰招集流移民漸帖服時尙有負固巖穴者將遂進剿交泰諫阻請往諭之單騎深入告以禍福眾感其誠欣然

歸附近城有山險峻恐有伏莽將舉火焚之又力阻之獲免搜山得男婦數百人令其族屬率歸由是番禺安輯以積勞成疾乞休歸士民建祠以祀卒年九十六廬州府志

許明章字公斐舒城人順治戊戌進士知陵水縣縣賦羨耗幾侷正額明章盡革其弊令民出穀米牛羊雞豚之屬官為平價鬻之以補從前逋賦勤開墾嚴保甲遷德州同知江南通志

沈汝蘭字仲晚巢縣歲貢官泰州訓導海寇薄城協力守禦白

諸生之被誣陷者七人江南通志

王綽字又如合肥舉人為徽州教授訓厲生徒先實行而後文藝遷東光令寬惠勤敏民感戴之以老乞休攀轅者塞道廬州府志

黃應庚字西有舒城人以貢知桂陽縣猺獠雜處素稱難治應庚示以忠信利害盡皆悅服先是邑躡於熨羅民多流亡招徠安集戶口漸充擢守遼州尋補嵩明為民除弊課士最勤卒於

官廬州府志

黃應宮字生徵合肥人順治中以貢知蕭山縣縣瀕海多埧田逋賦為民累力請大吏永免之海多盜計擒其渠盜賊屏息曾

孫遠乾隆間舉人為長洲教諭修學養士蘇人祀之名宦廬州府志

胡守欽字君若舒城人以貢知徐聞縣縣多土豪守欽下車即擒其魁治之一邑驚為神明廬州府志

張名世無爲舉人授廣德學正升垣曲知縣縣居萬山之中城大如斗地瘠民貧名世飲冰自矢撫綏備至士民愛戴卒於官

廬州府志

吳閻啟字旦門無爲歲貢知文登縣康熙丁巳文營以給餉後期兵譁變起閻啟身被六創猶單騎入營諭以禍福一夕而軍心定民得安堵邑紳繪有山左定亂圖並立靖亂碑於蓬萊閣弟敏文字虞升諳韜略從征以軍功知醴泉縣釐弊剔奸下士惜民咸愛戴之弟吳字宇高由廩貢任祕書院中書升楚雄府同知奉調領民夫五千往黔省撥運吳藩家口赴滇會吳逆已叛吳潛以單騎出重圍由九盤奔赴荊州軍視師親王暨閩外諸大臣嘉其完節交章薦之授開封府同知

廬州府志

朱前詒字燕以無爲舉人知長沙縣均賦役課農桑新學校百

廢具舉移知麻哈州苗民雜處號稱難治前詒撫之以誠恩威並濟苗皆悅服州故無學宮詳請建學擇民之後秀者親課之以時稽其勤惰評其優劣士咸感奮每試入學二名遂有登賢書者遷順天府治中未赴任卒

一統志 廬州府志 湖南通志

洪濟巢縣人康熙八年任福建泰甯知縣創行滾單法民無差擾修邑志葺城垣建迎恩橋創李朱二公祠皆彰彰可紀

福建通志

增新

張國城字宗子舒城人康熙甲辰進士知高明縣值盜掠御泔村請兵殲其賊首遂遷更團練鄉兵招徠流亡免徭役之累民者賊黨化爲良民

江南通志

胡永亨字肇美舒城人父守恆馬獻賊死永亨募勇士夜入賊營收父骸而葬之康熙庚戌成進士典試江西公慎自矢遷戶

部郎奉

命鞠廣東獄仁恕得情分巡肇高廉羅道飲冰茹檠於積弊多所釐剔

一統志

許孫荃字友蓀合肥人康熙庚戌進士歷戶部郎中督通漕代納旂丁積負督學陝西勤於課士行部所至遇古聖賢名蹟力為修復表章敬禮名儒李禹輩為刻其所著書行世著有華嶽

慎墨堂等集

一統志陝西名宦廬州府志

任振世字德長舒城人前明時流寇陷舒父與賊遇以身扞父賊感而釋之康熙癸丑成進士知曲周縣釐剔稗政案無留牘禮儒課士民風丕變漳流徙溢無常築隄禦之水患永息廬州府志陳略字石友舒城人康熙己未武進士授蘄衛守備清屯裕漕恤災減派軍民便之設牛確磯救生船建鳳麓書院置田養士

升興化遊擊

江南通志

宋元徵字式虞廬江人康熙戊辰進士知夏津縣廉節明允宦僕殺人主名未得忽塵沙旋馬首詣宦宅試呼揚成果得其人一訊而服河淤漕滯默禱河神水忽騰涌沙分舟過不煩牽挽人咸異之歷刑部郎中有宦告奴叛主察其辭色有異微服訪之乃其子之師宦豔其妻之色而誣之立置宦於法卒後夏津人祀之名宦

一統志山東名宦廬州府志

湯愛鼎字旺衡巢縣人以廩貢訓導靈璧遷知滿城除羨耗清

疆里抑強梁擢知瓊州參劾屬吏貪酷者不少貸

江南通志

龔士正字伯通合肥人康熙時副榜以蔭官工部郎京闈號舊祇苦蓋士正請易以瓦至今便之出為僉事分巡湖南北驛鹽道言事者議減驛費力持不可設救生船立程站民食其福署

按察使釋株累甚多著有冬官條議齟郵彙稿署臬爰書子志夔以貢官定遠教諭遷知安仁縣燬淫祠除田賦擠總包賠之害卒於官廬州府志

楊厥美字問善廬江貢生知嵩縣縣經寇掠室廬俱盡城垣亦毀厥美捐俸修築又修邵程三夫子祠墓詳請程子裔孫宗昌襲五經博士升知莒州以勞卒官廬州府志

李夏盛字實符廬江人由理藩知事知孝豐縣催科有法斷獄持平調嘉興營產償民積欠廬州府志程本道合肥拔貢官戶部主事監督西倉有善政弟本正徵修一統志後歷攝興平諸篆廬州府志

朱大復字敦士無為舉人考授中書改休甯教諭兩署縣篆治事慈和凡有關於學校悉為整理尤愛啟迪後進深得士心升

國子監學正卒年八十五廬州府志

李元正字會符廬江人以廩貢司訓太倉州捐貲修葺學宮構三益堂新雨軒於齋中延接名流訓課諸士遇寒士解囊以贈奉委督賑惠周於民費不足捐私米百石以助之廬州府志

劉聲字羣卓無為人雍正時以保舉優行分發浙江收溫台海洋魚稅廉謹自持法寬而課減詳免漁人積欠八百餘兩海筏例徵銀八錢聲概請豁免海民德之廬州府志

宋祐字履祺無為舉人知內江縣擢刑部主事善折獄升銅仁知府歷調台州漢中長沙諸府慈惠寬仁治績有聲廬州府志

汪衡字嵩鄰無為人雍正庚戌進士官松江府教授修葺學宮署華婁二縣篆案無留牘人頌廉明廬州府志張植字樹茲巢縣人官建甯府通判改四川按察司經歷以軍

功遷合州知州適西徼羅卜藏丹書騷擾巴塘等處奉委征撫動合機宜復贊理西藏軍務所在有勞績歷官至雅州知府廬州志

徐國顯合肥拔貢知翼城縣革陋規銀二千兩歲大饑傾家產數千金賑之仕至布政司參議廬州府志

朱竑字漪同無爲人以貢官沅陽教諭屢署縣事黃河水溢漂沒民舍力請免課散賑全活無算廬州府志

李榮裕字獻丹廬江人雍正時以舉人知藍山縣縣處苗疆最難撫綏榮裕教以禮義民胥向化山水暴發漂沒田廬捐俸鬻產助民興復及攝桂陽知州藍山民追送數百里爲立祠繪像祀之廬州府志

倪岱字山宗合肥人雍正時舉賢良方正授固安知縣署涿州

事勤於政治恤士愛民捐俸賑饑寬免徭役以老乞休歸廬州府志

許齊卓字武田合肥拔貢知德化縣雪革生李志煜冤李得開復中式移武平再移建陽修朱子祠墓置祭田其五經博士世襲久廢力爲詳請承襲又移龍溪築隄西關外以障水民不被災以老乞休歸廬州府志

陳大化字鼇士廬江人乾隆戊辰進士授編修擢御史歷吏禮刑工四科給事中風裁凝峻遇事敢言出爲江蘇常鎮道乞養歸內艱服除起補江蘇松泰道濬開松浜去淤墊以資灌溉民德之調江蘇糧道署按察使以疾歸廬州府志

張先岸合肥舉人揀發浙江署安吉州修築城垣振興文教有大吏私親某斃人命承讞者欲脫其罪先岸勘得實論如律大吏旋撫他故劾之遂歸廬州府志

任之鏞字虞鐘舒城拔貢官如皋教諭嘗奉檄賑饑踰原額巡撫詰其濫對以舊例賑不及幼童今普給之費不過千金然為國家廣無數生命矣復勘泰州水災乘扁舟徧訪疾苦全活無算擢知竹山縣亦以慈惠稱廬州府志

王廷耀字薦揚合肥歲貢官阜陽訓導縣有王生者頗好訟多怨家有持數百金賄廷耀求報劣廷耀峻拒之而呼王生至規以謹言王感悟卒為善士阜陽縣志 舊志鳳陽府名宦 新移

高廷選字煥初合肥舉人官青陽教諭率紳士捐資修葺學宮歲饑凡勘災給賑平糴諸務一秉公正既去士民思之廬州府志黃思敏合肥拔貢訓導太和遷六合教諭所涖之處士習民風為之不變委辦太和河工勘阜陽亳州水災及廬江虹縣六合等處賑務廉勤自矢大吏交推重之廬州府志

廖躡芳字鶴餐合肥人乾隆甲戌中明通榜授賓州知州賓民鄙陋教以禮法風俗漸移以艱歸起補賓川州疏濬城河南商民便之歸田後與弟宏鑰成父世瓊之志變產做南雍所製樂器於鄉學廬州府志

譚應騏字瑞徵合肥副貢考授州同分發廣西署休仁縣休民向無恆業應騏令習耕織創義學課生徒補梧州判歷知房縣時軍書旁午應騏率鄉勇討保康賊復其城撫綏招徠以疾卒廬州府志

王杏舒字倚雲合肥舉人知高陵縣調三原革陋規籌荒政杜絕奸商囤販善政甚多擢迪化知州後補鬱林州以疾歸廬州府志褚啟宗字亮儕合肥人乾隆庚辰進士知青浦縣有叔姪爭產者姪屬巨紳為緩頰毅然拒之在任十年待士以禮濬吳淞江

修築城垣居財賦之區無苛索之擾民懷其惠青浦志

曾璞字其琢舒城舉人知博羅縣飢民聚眾掠璞擒其渠勸化餘黨設法賑濟一邑晏然調海陽釋株累冤民無算卒於官

廬州府志

靳起柏字樹宗舒城人以貢官泉州判建石井書院崇祀朱子

修古陵險道葺海尾西橋嚴禁博徒盜賊斂跡以艱歸起補東

城兵馬司正指揮平心視事掩骼埋胔惠聲大著復以內艱歸

遂不起廬州府志

王會燕字詒庭合肥舉人由四庫館議敘歷署諸大邑差務絡

繹悉心區畫在定興時設義學成就士類尤多補鉅鹿致仕歸

廬州府志

周洞字酌遠舒城人以貢官太平州判有德政升永康州調新

甯興利除害所至有聲苗蠻婚娶不事媒妁洞導以禮義俗為

之變遷鬱林州乞養歸廬州府志

趙壽朋字康旬合肥人以廩貢授訓導歷署含山六安全椒桐

城學事含山諸生劉湘子貧不能娶壽朋資之完配在桐城諸

生有以細故幾褫巾力請學使得以保全廬州府志

吳光庭字榮階廬江人官貴陽通判擢黎平知府城南南龍山

為明死節何騰蛟故里光庭為購地建祠創黎陽書院以教士

卒於官士民祀之廬州府志

蔡淮英字桐江合肥拔貢揀發河南知杞縣禮士愛民以忤上

官被劾歸里杞士民郊送四十里杞縣志

劉崧字幹周巢縣人以武庠授京口高資營千總擢都司嘗為

營兵置義冢升福山遊擊調瓜州頻年火患乃建北極閣以厭

勝之遷吳淞參將時洋匪作厯所在騷擾崧謂宜設兵駐防會
哨以策應軍府躉之擢京口水師副總兵以勞卒官廬州府志

張拱字能五廬江武舉補陝西柳樹澗守備累官定邊副將時
甘肅逆回滋事調靜甯新營辦理卡站招募新兵悉中機要以

老乞歸里吏議發往烏魯木齊効力派管鐵場三年所獲鐵溢
於正額復補河閒府副將乞休歸卒年八十一廬州府志

張至幹字琴六合肥人乾隆甲辰進士授戶部主事遷郎中出
知夔州府時逆匪滋擾兵未集至幹募鄉勇殲其渠魁分門扼

守寇不敢犯復從剿王三槐等於鄖陽屢有俘獲以積勞成疾
卒子坦蔭縣丞廬州府志
以上舊志

胡觀瀾字雙湖廬江舉人浙江知縣平反松陽徐姓冤獄濬慈
溪慈湖築隄弭水患累升江蘇蘇州知府廉得常熟賊賊雪事

主誣良偪命之枉太倉寶山民藉旱滋事捕其魁寘於法擢江
西糧道告歸子稷字公望原名光榮由舉人員外郎任川東道

會剿長壽縣教匪王和尚等悉擒之別獲蝮蠱苗匪百餘人又
請定雇役法以輕徭役歷江南江西鹽道著鹽政利弊書四卷

兼署江西按察使決餘干鄱陽人爭洲地案治信豐鹽戶私增
鍋戶獄雪蓮花廳人誣妾毒妻冤他如捐建宋臣文天祥謝枋

得祠修明賢妃婁氏墓重刊宋本十三經注疏皆非俗吏所能
為廬江縣志
以下新修

黃鳴傑字季侯合肥進士由庶常改部游擢浙江布政使清介
自持人不敢干以私授浙江巡撫罷歸有圖書數萬卷而已合肥

王星榆字損齋合肥進士官湖北利川知縣利川舊無城倡捐
縣志

築之有兄弟爭產者各以賄進星榆曰與其餽官曷若班諸兄弟反復開導皆感泣而去合肥縣志

龔善思字意舫合肥進士任江蘇興化知縣道光癸巳秋大水河督將開昭關壩以殺水勢善思力請遲十日民得刈穫河工亦無害又創建文正書院躬自督課擢海州知州獲貧民販私鹽者輒告誡矜釋之不忍藉以邀功嗣以擒海盜李佩章等升知府尋罷歸合肥縣志

吳澁無為人江西道庫大使署新昌大姑嶺及新喻水北墟巡檢有治行祀新昌名宦祠新喻人亦勒石焉無為州志

高學濂字希之無為舉人四川知縣終資州知州所至培學校興水利懲蠹胥捐設有嬰堂循聲卓著道光二十七年華陽江安永川新津金堂開巴等縣資州江北廳士民請祀名宦祠無為州志

州志

劉大烈字銘之巢縣人嘉慶初由縣丞升任江蘇丹徒知縣捐賑水災卓異洊升知府調廣西鎮安泗城護送安南貢使進京欽派陪宴

賞蟒服一襲升左江道道光二十九年髮逆股匪撲鎮安帶練防剿賊

退病歸旋卒巢縣人

靳章紳舒城附貢官四川忠州知州力行實政升龍安府知府去州人寫其像並設主白鹿書院以祀之舒城縣志

李文安本名文珩字玉泉合肥進士孝友尚義善舉甚多族里化之官刑曹十八年讞獄明允多所平反由郎中記名御史咸豐初粵逆東竄奉

旨督辦安徽團防時廬州已陷江北土匪蜂起文安駐臨淮募勇督剿

遂通淮南之路進規廬州屢獲勝仗渡巢湖擊敗粵逆陳玉成於白石山下敘功以知府用旋助攻巢縣立功積勞卒於軍

贈

卹賜祭葬如例所部後成勁旅名曰淮軍從曾國藩及文安之子鴻章等剿平髮捻云文安嫻武略並能文章著有詩文集及貫垣

紀事愚荃傲帚等書

合肥縣志補纂

章廷樑本名道杞字南有廬江附貢嘉慶中官湖北鹽法道捕鹽匪王七置於法請減鹽價便民署按察使讞河陽縣民何現入江陵傳教案坐現等罪釋株連三百餘人署布政使請准豁免沔陽天門漢川水淹田賦歲捐書院膏火及養濟育嬰經費嘉慶甲戌廬江旱捐千金助賑贍戚屬以累萬計解官後置義田義莊家塾道光癸未甲午水災捐賑二萬餘金同治七年奉

旨祀鄉賢祠

廬江縣志

高際盛舒城文生道光元年由郎中授浙江溫州府知府終杭州府歷官以清節自勵每由家運資自贍子均河南唐縣知縣以籌餉逾百萬敘升直隸州知州亦以清節繼志嘗卻賄三千

金

舒城縣志

王學懋字德昭合肥舉人以團練功洊保道員署常州知府時蘇常初復流亡未歸學懋招徠安集之以勞卒官同治四年

贈光祿寺卿

附祀蘇州無錫昭忠祠

合肥縣志

姚繼勉字昭泉廬江進士山東知縣署鄒臨淄平反大獄勤職愛民食不兼味出入多步行以廉介稱擢兗州府同知告歸無田園之資旋卒於家

方宗誠文集廬江縣志

江開字龍門廬江舉人陝西知縣創建紫陽縣書院捐濬咸陽縣渭河委辦西安同州鳳翔三府團練禦回匪有勞績

廬江縣志廬州府

章邦彥字樵雲廬江拔貢浙江知縣歷官新昌麗水修城治獄

除猾安良辦理荒賑實惠及民病歸於咸豐十一年在石猫山

罵賊遇害

廬江縣志

... 出... 山... 大... 王... 以... 卒... 四... 手... 以... 萬... 任... 青... 蘇... 三... 世... 風... 官... 自... 瀾... 海... 實... 自... 訓... 子... 以... 而... 善... 德... 威... 高... 烈... 益... 裕... 文... 主... 首... 光... 元... 平... 由... 酒... 中... 對... 燕...

